

晚晴籀詩匯

第六一册

卷之五

五

五

五

五

五

晚晴簃詩匯卷一百五十九目錄

姚濬昌 四十首

江湜 十八首

蔣敦復 十一首

蔣日豫 十七首

柯蘅 十三首

董兆熊 八首

萬斛泉 二首

方宗誠 一首

戴望 四首

李善蘭 一首

張道 七首

何其超 九首

周音 七首

程畹 七首

李光炘 五首

晚晴移詩匯卷一百五十九

徐世昌

姚濬昌字孟成號慕庭桐城人官竹山知縣有五瑞齋

詩鈔

詩話慕庭為碩甫之子薑塢之五世孫詩文義法鄭重薪傳初謁曾文正江西南軍次文正見其感事詩激賞之遂留幕府張廉卿稱慕庭所作創意造言獨滌典獨工力之深殆為罕儷其七律義法全宗惜抱而選詞儷事實與薑塢同工古體尤縱橫跌宕有獨往獨來之概此則存乎襟抱曠遠學問雅博非可強幾也

軍中雜感

上卿承詔轉雙旌獨立東南萬里清
千嶂青山環大幕五更白雪壓孤城
弓刀近徙良家子刁斗遙傳漢將營
為語孫恩莫輕敵如公忠赤在平生

霍嚮南去萬峯低獨立津頭聽鼓鼙江月自明湓浦北海
潮猶上宛陵西漢家百六消銅馬楚澤三千下水犀好借
豫章作根本坐收兵甲與山齊

兵謀廟算兩難諳欲問青天意更含卜相朝中驚鄭五總
戎閩外說朱三借頭說敵謀終壞抉眼懸門事豈甘太息
豪奸須駕馭坐看篝火又淮南

八面風雲護馬輦將軍開幕禮賢初朝投征虜壺中箭夜
試睢陽架上書江左衣冠思五嶠并州名譽正雙居燕臺
自貴眞騏驥駿骨翻勞月俸儲

輟權

輟權維春岸前村落照橫亂鴉爭獨樹殘角閉孤城山遠
含煙重湖澄競月明長淮行漸近何處問韓生

宿范水卽事是去年經亂處

信宿邗江路孤舟又客亭
遠天時有電微月不藏星
問地驚新燬披圖按舊經
他年曾泊處燐火滿荒汀

早發

月地光欲微雲影疑不變
促駕卽泥塗履滑驚偶援
吾生久行役甘苦倍經鍊
追昔馬爭途感今鳥知倦
宵輿殘夢續屢呵不能欠
野棠絳幘過飛雨時著面
老樹合重陰天光讓一綫
情來興送將境往悲同餞
行行眩朝暎櫻世感安宴

八月十五夜與同人西郭泛舟至一覽亭遲任菴庸
菴不至

依辰秋魄渾無事怪底人間競遊戲
老子清興亦不淺絕

明倫彙編詩話卷一百五十九
江一擢琉璃碎朦朧樹色隱微峯雲波片片青芙蓉夜深
不作小海唱恐便驚起龍宮龍

橋欄束人如半暈千頭萬手相摩進長年亦解愛蕭瑟投
篙疾過秋鷹迅石寒水落魚阻梁輕舸忽瀉谿流觴息肩
息足兩何利媿此滿船明月光

大樹交柯如鬪蚪小樹列岸人對愁清空無繩繫孤鏡湛
湛欲墮鰻魚舟蒼山數轉坐超忽谿光沙色望不歇但添
葭葦綴菰蒲便抵吾鄉練潭月

微風織波纖鱗輕吹船著岸沙頭橫良朋隔船望不到燈
火徐散蒼煙生迴船陳迹已如夢酒香未絕茶香送十二
萬年同刹那請君行樂莫教空

廬陵行

廬陵城西山陂陁村舍落落人不多老翁揚肘語鄰媪今
年官吏追呼早豚子在圈雞在塢詰朝坐看迹如掃我聞
駐足問老翁老翁欲語雙睫紅前年縣尹逢李公催科雖
急民情通豈知命薄事難料昔日狐狸今虎豹東鄰翁媪
哭呼天豪家昨日奪民田欲將一紙公門去先費寒機數
日錢數日錢誠辛苦天意亦有厚薄時南村苗枯北村雨
公家有程敢怨嗟但令無觸班頭怒我聞未畢不忍聽穿
林避日還入城城中衙鼓聲彭彭堂前敲朴後吹笙匡廬
仙人黃白侶夜來不報當關豎大者千金小銖黍要津有
路通爾汝日暮傳呼新樂舞明日令君壽小女

春色將還無端興感風前花下率意口號彙而錄之
雷驚露斷燕飛還意興無端似轉環三月春陰山閣暝一

明倫彙編 家範典 卷一百五十九
庭花氣華門閒片雲孤出難成雨野鶴閒飛易返山底事
流鶯相喚急故園歸到又江關

祆祠高與白雲齊謀國諸賢盡種蠡海市已通遼水北煙
艘又過皖城西山開鸞霍連三楚江挾巴渝出五谿終是
聖朝無外日治兵不恤法羌氏

舊日梁園諸友散雞豚後會倍關情維摩道足偏多病梁
倚才高解外生脈脈花光春色薄濛濛雨腳暮江鳴何當
卜宅南村去煙舍雲塘事耦耕

自別龍眠長薜蘿天風吹綠下槃阿徐陵文字東游少殷
浩聲名北去多鳩欲依人難擇木燕知得食便營窠曉來
聞道村沽美且上江樓倒叵羅

諸芳擁綠上閨幃花意闌珊春意非無限愁心鶯獨語有

痕春夢燕雙飛
薜蘿香冷輪金鴨
楊柳風生憶錦駢
誰信妝臺斷消息
壁鏡猶照彩雲衣

送敬甫

皖江秋浪洗血箭
商芝秦桃滿下縣
不緣鄭驛廣招賢
世有蕭郎何由見
白彝出土鼎傳周
元珠媚川璞不鏤
胸辨淄澠口唯諾
品藻時出日懸秋
江城一別三千里
流星掣電十年矣
忽然名字落吾手
狂叫不及復倒屣
穎士風流未逐貧
布帆春水度江津
西州華屋仍花鳥
回首龍門更幾人

借吳摯甫

汝綸

方倫叔家子椿姪

永椿

攜楷樸概三

兒子尋披雪瀑卽送吳方二君北行

堆案簿書麻縷縛偷閒不肯望邱壑
勸農催賦亦有情走

馬看山欣出郭而今身閒得婆娑青鞋踏徧蒼山阿名山
咫尺藏奇瀑有約不到理則那朝來好友發清興賈勇同
尋披雪徑丹青神鬼舉國狂幽谿獨向樵夫問誰夢鈞天
在帝鄉攜壺逃醉人間藏至今山鬼不敢取側立破甕流
天漿深州故守腰腳好方子奇情滿懷抱相攜絕頂謝時
人颯颯天風動襟縞源深境絕亦何窮豈必前規勝後蹤
君看厓上題名字水穿石泐難爲功由來適意莫放手那
得更計百年後藉莎据石茶煙中走馬撐船亦何有須臾
暮色起遙山雲木相望各渺然歸鴻正北君方出官裏良
時莫教失

秋日偕寒人攜楷樸概三兒山中散步

含秋散晨衿遵澗繚修嶺林稀山氣疏水落石梁整遠迹

人易親寡用晝知永既聯渤涉興亦遂宣舒請懸梯掇晚
果淪茗汲秋井翠巘當戶深雲竇觸村冷平生愜幽期靜
緣覲天幸浮游苟不迷彌祀同俄頃曠覽日謝暄發曠燭
思秉疇偕采藥人長此畢形影

海門雜感

吹盡淮南落木風角聲千里滿長空更教明月來天際無
限寒光碧海中
鐵甕城東接浦江樓船舊部本無雙沿邊不是無胡馬未
築三城已受降
江南花鳥久彫殘誰向桑田拾玉丹聞道重樓起天末海
風吹盡不知寒

身出淮陰舊將家腰弓臂箭聽胡笳無端獨上狼山頂射

得孤鴻落遠沙

秀峯寺觀瀑布龍潭作歌

山忽飛行水忽止誰爲大塊主張弛神斤鬼斧削不成走
石流砂皆可喜破舟側卧藏大壑古孟偃仰沈潭底銀漢
年年仰面看只今知在深山裏白龍噴沫怒幽阻觸斷崩
崖拔地起若教變酒澆磊塊想注腹中亦如此妙境從來
不可求扁舟十過今游始忽思瞿唐三百里五月懸濤瀑
相似坐疑天公壓濁世倒翻海水洗塵滓飛雪奔雷又入
眼一瞥驚魂卅年矣頭顱與水爭潔白世路崔嵬生尺咫
何似仙人綠雲中俯視五嶽邱垤爾大巧無心奚足怪奇
處紛拏如黍稊歸來尋磴望瀑源佛閣僧堂半荆杞增減
誰知干劫過古今聚貉一邱比請看石上滿題名十九詢

之骨同死相期信手掬神泉共向人間伐毛髓

暮行東郊

日黃猶未落眾山生夕霏不知城郭遠漸覺煙樹微老特
時一鳴漁樵三五歸卽事感枯槩慨焉思息機

夜發黃村

城頭戍鼓近殘更月黑天高玉斗橫暗徑野駝鳴鐸過遠
村深樹見燈明中原何日東方旦世路難期蜀道平見說
燕南秋潦盛正傷菽菽沒官程

山齋

人語四絕窗含光夜起開戶山蒼涼星河捲盡碧無際祇
有孤月懸中央興來獨往坐潭石過清之境宜仙藏樹影
在地如刻畫微風不起谿煙長細泉轉石響琴筑定水浮

魚唼落香誰言過眼但俄頃鯤鬚蚊睫齊彭殤只虞邂逅
不知惜交臂一失無由償砉然一嘯風琅琅半斜樓影月
在梁是歸是寄澹相忘金翅劈海白東方

秋興

碧雞金馬自天開吳舶黔賚萬里來鐵索有橋通佛國金
沙無水洗滇灰艱難表疏思雄略險峻江山養異才回首
昔年觴詠地卧龍躍馬不勝哀

閩江山直惠安橋海氣天風萬里遙漳島南窺珠浦月仙
霞東瞰浙江潮煙含碧葉檳榔碎雨過黃梅荔子嬌寂寞
釣龍臺畔路吟魂廿載倩誰招

三吳雲物冠南垂麋鹿臺空舊俗移靈藥不辭師子違角
釵爭炫日林奇玉簫金管荒鹽市錦纜牙檣罷漕司太息

海陵諸父老翠華十見到江涯
我朝絕漠三千里恰克烏梁大帳開
霜黑寒門通虎節日黃碎葉進龍媒
繻傳東海連西海星拱中台接上台
誰料北庭南牧馬只今宵盱望邊才
黑水南迴若木東煌煌大業憶高宗
燧通西旅書頻卻雉貢成周譯不重
碧海浮槎丹詔去黃金鑄册紫泥封
豈知此日爭蠻觸一例羈縻大度容

憶上狼山百尺樓醉凭危檻望神州
宮中弋綈悲精衛閣下絲綸狎海鷗
壯士不青俗客眼書生空白少年頭
洛陽豈少徐文遠碧水丹楓獨送秋

寄摯甫

獨坐懷人遠三年尺素遲春燈微雨夜
貧酒落花時政好

憐岑沐官閒課衮師向來文事祕深淺與誰知

曉發蓼塘

一月東風曉尚寒
禽深處過禪關
微茫澹靄村前樹
斷續殘雲雨後山
麥秀已勻農事起
水波纔綠釣人閒
官輿又是江南夢
愧煞春犁畎畝間

午雞

九衢車馬簇雲煙
清響因風得偶傳
四海煙塵誰起舞
一窗晴色憶談玄
碧幢幸少祠神使
絳幘深愁作埭年
時修三海
費六百
萬金
旅館下簾渾漫想
重明日月正堯天

曉鴉

銅龍魚鑰正攢更
宮樹眠鴉警夢清
彩仗千官穿隊影
畫樓雙鏡曉寒聲
傳頭封事虛西府
逋尾閒歌聽上城
牢落

一翁楊柳畔含情陣陣看縱橫

質言一篇送无錯

高樹不藏暑火雲蒸午暉游子戒巾裝何以避炎威迢迢
望經歲始來雪霏霏鳴鳩啄桑椹駕言千里違貧賚難久
留此情吾已知揮手在數日舉室同矐眙汝歸堂上樂汝
去吾親悲悲樂境良殊那復能挽回嫁女不遠行如何慰
尊慈報劉苦日短且復聊相依滔滔大江水日夕無停機
南風發庾嶺著意更相催海門何沆漭狼山何崔嵬大澤
萬怪多出門慎所之常言六合表壯游豈非宜但恐明發
懷一日腸九迴讀書愛玉體勿逐輕薄兒天衢軼蕩蕩虎
豹無蹲睢木落江上寒秋高鷹隼飛望汝時登閣念予或
開扉予懷江湖深汝器海山奇荊州有豚犬亦逐龍象馳

聳身入闔闔聯步思杜韋逝將從汝翁一笑滄海湄

長宵

虛堂吏散歇絃歌小立蒼苔意若何獨樹當空來月早殘
蕉入夜受風多近聞美詔哀鴻雁準擬諸軍罷鸚鵡直北
高寒天路遠長宵無睡對星河

江湜字弢叔長洲人諸生浙江候補從九品有伏敵堂

詩錄

彭詠莪曰弢叔詩古體皆法昌黎近體皆法山谷無
一切諧俗之語錯雜其間戛戛乎其超序述彭文敬
詩話破叔詩兀稟戍削以瘦成其堅自序述彭文敬
及青浦熊其英蘇林一再稱其筆力蓋所自負者在
是生亂離之世不得志於有司一尉終倫半通僅假
內悼身世上念庭闈傍徨鬱勃發為危苦之言要亦
有不能自己者至其性成習染蹈宋人科日在
所不免此正其詩病讀者勿沿流而忘源也

秋感

楓葉本非花質殊桃李杏風霜爲假合渲染綴春景隨榮
亦隨落策策墮荒梗可憐幾葉紅猶弄夕陽影譬若老逢
掖忽啖紅綾餅晚景誠獨佳歲月亦垂盡何如松柏姿蒼
翠自冬嶺

物生大化中伸屈天所與草木不怨凋黃落應節序陰蟲
爾何感戚戚如私語天寒入苦吟物性有迎距徒使孤孽
魂感激愁羈旅蟄藏理固然幽恨誰憐汝

春盡

天本無涯若有涯郵籤計日水程賒敦敦隻堠迎船過漠
漠征帆向晚斜野外風來寒欲雨舟中春盡客思家別離
心緒清淮路一任曹騰送歲華

旅情

憶昨芳菲節辭親來帝畿及今搖落後念我曠庭闈枕上
家千里鐙前夢一歸世寬兒自拙老淚莫輕揮

蘭山道中

石路無塵一徑斜春風茅店野人家山田綠盡耕初起閒
著一村紅杏花

旅夜用孟郊體

百愁如百矢無弦以心控一發還射心愁矢妙百中噫嘻
孤畸人將鐙與影共有輪轉離腸無膠續斷夢飢鼠動承
塵詎能答短諷

治生無鐵錡諧世失要領宦學費五年凡百啗畫餅苦勞
阿嬾慈凋髮念谿嶺績鐙浪自光面壁無兒影焉能摘船
去不日叩廳屏

馬瘦隴坻迴輪摧却坂曲未信盈尺地
捩眼看梧觸巡檐
瓦碎頭倚柱碣踠足德人履大方未塗苦
偏促誰能叱良
御爭道向碁局

檐雨滴空廊一滴惟一音羈人坐修夜一坐非一心
一心
亡故懷剩有愁相尋且披折繇衣自奏明徽琴咄哉子野
死虞韶成衛淫

龍巖州除夕醉後賦長句三首時將赴漳泉諸郡

亂山環合龍巖州鎖門十日不出游今朝獨上城南樓一
望兮萬峯起立入胸次化爲突兀磊砢之羈愁歸來對燭
更淒絕苦念明朝是元日城頭鼓角雄且哀更聞一片春
聲來千家爆竹如驚雷火樹燄燄燒成灰此時主人醉我
酒百杯蒼頭行炙紛相催羊腔魚尾滿案堆眾賓開口歡

追陪座前蘭蕙庭前梅鏡燭照耀花爭開不知此中樂事
爲誰有客淚多於主人酒

昨夜家書來自驛母氏之言父手跡燈前一讀百歎息淚
與空檐雨同滴男兒不能忍窮守家術乃使風霜雨雪飢
渴凍勞憊憂愁疾病痛一一盡入老親夢家有榆樹藏烏
鴉烏鴉之鳴聲呀呀音書此時不到家老親聽之思天涯
擲琰問卜愁轉加又況今日除夕明日元辰四時佳節更
番新天機自動諸弟妹膝前頗解思行人牽衣挽問兄在
閩屈指六年南北他鄉春吁嗟我生七尺身不如牛醫之
兒能奉親

吾悲夫閩山之竹何不大者爲屋椽細者爲篙爲釣竿而
乃編排架結成竹轎載客兀兀攀巖巒使我身如鷹與鷂

摩雲一日千迴盤盤嶺路走不盡龍巖南去滄瀛近火
維地荒土俗惡颺風蜚雨早晚作山有魑魅水鮫鱐土人
以島嶼爲安居格鬪爲笑樂嗟我何爲去棲託况聞蠱蟲
羣飛金蠶長瘴風吹作蘭花香使人中此愁肝腸吁嗟乎
人間豈無吾故鄉曷不遄歸盤與閭

彦冲長江月夜圖

十年京口幾經行記泊金山問水程浩浩夜江流月色蕭
蕭風荻亂秋聲扁舟載夢醒何處獨雁叫霜天未明當境
有詩常錯過今看圖畫見詩情

晚步至普照寺同金樸夫

華

市聲塞耳不能聽轉入禪林取意行寺破剩看殘佛在塔
高留得夕陽明與君短臘同爲客卽日新交倍有情更一

徜徉可歸去寓齋分對兩鐙檠

深夜

思鄉深夜正愁生六扇西窗忽半明獨有天衢無梗塞又
看一月在空行

冬夜

冬齋伏案偶凝思適憶童年勵學時貧覺鐙邊書有味寒
生夜半足先知是時老母坐相課端爲縫衣睡更遲已矣
餘生無報答又將嗚咽寫爲詩

我翁客授不家食歲晚歸來課藝勤未必譽兒真有癖嘗
因對客命爲文科名原不關吾道著述何當慰府君此日
鐙前惟有泣傳家一集并遭焚

負手蒼茫繞室行也知兩大最無情百千萬變青鐙在四

十五年白髮生怨有呵天若雲氣淚如到海作潮聲福安
書至傷心極尙望江南一日平

蔣敦復字純甫號劍人寶山人諸生有嘯古堂詩集

王子潛曰劍人詩慷慨激昂沈雄鬱勃有把酒問天
拔劍斫地之概才既奇特性尤兀傲以狂名著落魄
江推間奇窮復罹奇禍以至削髮逃方外及返初服
舉博士弟子員豪氣已減低首傭書猶好談兵事上
書當道多不見用晚乃得一席地特以羈縻之耳

詩話劍人早負雋才猶及見阮文達姚石甫諸公皆
盛稱之請益於姚春木謂其於前輩相似處多勗其
自進於古殆篤論也其才分不減孫子瀟
舒鐵雲諸人在咸同間洵爲江東之秀

古意一首柬范雍亭刺史王四篁二尹

消息無因問短琴天風環佩託知音誰憐駿馬黃金骨難
悔姮娥碧海心日暮孤蘭愁道遠天寒倦羽入林深窗前
一夜聽檐鐸江上還爲處女吟

獨行海上作歌告哀言之無罪惜當事者終竟不聞

也

讀書必讀尙父韜結交須結扶風豪崎嶇天地不得意冷
落人間一寶刀我行出門數千里落落陰相天下士開口
談兵笑我狂塞默胸中負深恥拔劍四顧心茫茫斗血海
風吹不涼軍門長揖獻奇策竟受謠詠蛾眉傷嗚呼男兒
生死本度外何人報國心肝在君父如天忍面欺廉恥掃
地甘身敗債帥威輕令不行前車轍覆今能再客將連營
意太驕鄉兵入市市人號亞夫軍中但堅卧高克河上徒
逍遙老成孤立辦一死未顧國體輕鴻毛居民一日屢駭
竄連天妖火驚飛濤惜哉吾謀竟不用坐視安用藏蓬蒿
憂以思歌且謠但見大海之水東南日夜流滔滔

秋懷

閒尋芳草白蘋洲人世何堪我獨愁
小雅文章眞痛哭美人顏色不宜秋
似聞北海沈青羽遙指瓊樓掩玉鉤
片石殷勤置懷裏迢迢西北暮雲浮

舊日風塵駿馬圖不成依樣畫胡盧
愁來名士呼鸚鵡行到空山聽鷓鴣
把酒天高何處問談兵人笑此才粗
恩恩一擲成孤注悔煞黃金賺博徒

詠古三首和陶

二疏

王事云靡盬貞臣敢求去愧彼尸位流
庶幾踐高趣車馬盈東門鴻鵠已騫舉
吾思二疏心豈厭太子傳華轂而朱輪
赭衣滿道路公卿若小吏要領那得顧
國體貴善全沒

齒獲令譽權勢相傾軋旁觀代深慮牽犬入上蔡惜未識
時務白帟以臨刑悲哉負儒素鐘鳴漏盡時下士竟弗悟
知幾其如神危事豈在著

三良

丈夫意感激身命輕如遺一朝螻蟻食百輩蠚螭微三良
既以殉黃鳥鳴哀私壯士臨隧穴英風動靈帷君命雖云
亂臣節敢自虧儻使赴敵愾視死尤如歸全軀保妻子飾
說多依違成仁在取義今古亮所希我誦三良詩怛焉中
心悲春風固烈烈同仇賦無衣

荆軻

車驅不復顧入此虎狼羸衣冠白如雪千里送荆卿酒杯
澆熱血努力在茲行頭顱爲公擲仰天笑絕纓平生重意

氣不爾胡豪英擊筑動天地志已無秦聲田先生既死樊
將軍何生肝膽舞陽裂魂魄祖龍驚劍術雖未講烈士固
狗名美人惜菹醢駿馬空前庭時危任刺客才豈當干城
咸陽楚人火西風漢家營天意固有在人事奚由成故交
屠狗輩痛飲難爲情

古藤花館訪東坡僦居故址

老去君恩賜草萊買田陽羨尙徘徊三春破夢神仙骨萬
里投荒宰相才明月瓊樓何處問朝雲瘴海未歸來高原
酌酒呼千載大樹西風滿劫灰

護國寺弔宋萬安和尚

寺在常州東門內宋德祐元

年元伯顏兵南下攻郡寺僧
萬安率義兵與郡守姚崇誓守城破力戰死詔
贈武功大夫入祀忠臣祠萬安在軍中作詩云時
危聊作將事定復爲僧識
者壯之詳郡人左輔碑記

英雄學儒必學佛天人戰勝持定力英雄爲將卽爲僧大
義了了明心證常州城東護國寺毅魄英風照青史正氣
先留不二門忠臣合祀禪和子是時南渡勢已危北來萬
馬江中馳阿師起義誓城守白日不照天王旗敵氛不滅
師不生刀頭熱血金光明睢陽常山亦人耳安與君父稱
無情藏春散人號佐命楊璉真伽肆梟獍法門破壞阿修
羅若輩貪利喪佛性亦有腰金橫玉人畫船歌舞西湖濱
髮膚尙愛況性命高位坐使中原淪嗚呼萬安區區一頭
陀忠義能與姚公俱風塵物色苦不到天下英雄無處無

高郵道中

來往蒲帆一幅輕江湖誰結歲寒盟依人客共魚蝦賤閱
世心同鷗鷺清菱竹每看隄役苦水天閒話夕陽明風流

不見秦淮海衰草微雲空復情

訪王寬甫
文不值

張嘯山題詩拙集頗喻鄙人甘苦之旨次韻寄答

江湖悠悠行路人乾坤落落一士貧懷中久滅禰生刺世
上但墊林宗巾身宮磨蝎屢坎坷文字相知尙較可空山
元鶴又逢君前輩青蓮應識我高譚捫蝨四座驚白髮不
許頭上生看君著書盈幾尺使酒我自歌花卿鳶肩火色
風塵面鑄鐵心肝終不變東南日出長相思西北樓高獨
不見漸離擊筑荆卿歌相樂相泣當奈何眼中萬古淚常
有天下一石才無多英雄入道須學問抑塞豈抱尋常恨
洛陽年少爾何人放膽文章過秦論

蔣曰豫字侑石陽湖人歷署元氏知縣蔚州知州有問

奇室集

取日余言函卷一百五十九

黃子壽曰侑石十歲詠詩效長慶體見者驚曰詩中
飛將也為學以實事求是為宗以聲音文字為窮經
之要嘗論學曰純內不克以綜事純表不克以闡
道博學詳說將以反約使天假年無以測其所至
詩話侑石承常州學派以北江淵如臬文為架鑊年
逾冠即為合有惠政久佐軍幕露布封章倚戈立就
與修畿輔通志同列推其精博詩雅健喜效北江而
藻韻佚麗才與學足以充之駢文填詞書法無不工

游仙曲寄外舅吳賓岑先生

天風吹海珊瑚溼瓊樓隱約排雲出曙色微茫曉露濃霓
裳一隊凌波立同躡青鸞拜玉皇五銖衣暝綴明璫白榆
厯厯鶯聲滑碧水迢迢蜃氣涼雙成慙坐蓬萊島花落嫌
山紅不掃笑擲明珠戲鳳凰星眸下覷塵寰好纔動塵心
上界知一篇真誥降彤墀廣寒齊奏鈞天曲折贈芙蓉當
柳枝璇宮人去蒼苔鎖世味深嘗無一可回首紅牆粉漢
遙青天碧月情無那桃開桃落歲華賒重叩瑤池阿母家

乞返玉真清冷地不司符籙只司花

題顧橫波桃花畫卷

貧隨江令賦閒情會把臙支畫晚晴賺得一餅桑落酒白
門風雨做清明

便託微波夢已遲斷腸春色寄橫枝分明絕代蛾眉影認
取題名護玉池

有人山上怨蘼蕪同是青溪最小姑誤煞憐才心一片不
堪重問過江圖

抱遺老人空江吹簫小像

一聲兩聲秋自語攙來樸樹灣頭雨歛歛咽咽背鐙成黯
黯茫茫水乍生錦窈聊落梅花弄幾疊如傳黍離痛樂府
嬉春宛轉情玉山品月承平夢我欲理此曲曲短愁復那

鐵龍鐵龍可奈何人生哀樂由來多不見平章秘密歌天
魔何況垂楊垂柳千里催明駝當筵捉換琵琶抱頭白天
涯淚更沈

墨宦歌

紅壁沙版神所蘇琳宮貝堂尤清都不亦傲岸游五湖溪
山抗手吳船租秋蘿延拂先人廬作計亦勝長安居胡爲
奇氣慘不舒腰間瘦弄青珊瑚掉頭不肯顧人事局面偃
卧城東隅城東問字鮮攜酒矮茅數椽打頭走經廚茶磨
可一肩家具居然素風妥愛書尤癖癖獨尊蒐羅漆簡沿
皇墳壇碑獵碣漢瓦文黃初而下皆兒孫貯之衆曲倉餉
以頻伽餅偏旁點畫制作精甚欲返古存其眞賞音只數
許叔重著論猶薄顏黃門浮提石汁壺中催油拳百軸琳

瑯排明月代燭春風動帷微聞古香心神盪開金剛杵落
音如雷陽驅陰欲波瀾迴商靈振粟雨夜來元精脫走眞
珠胎書成擲筆忽長嘯萬古蒙昧如飛埃吁嗟乎識字不
耕田牽舟慣僦屋蠹魚囊中笑聲作爾嗜宜難媚今俗人
有計然書人有朝元錄衣披九霄府羣王安得從君蹙眉
讀士固勿相強疇能競尺矐墨磨世誠病宦養雅可徵優
哉游哉歲辛勤作詩一散蒼蠅聲

除夕祭詩侑以三百六十字

昔人創祭詩歲暮例一作我詩雖不工頗亦出心腹閒庭
尠塵事清供役童僕微聞古梅香發此春筍束悲歡紀蹤
跡聊可歲華讀請更抒寫之登堂代巫祝鄙生實愚賤凡
好皆不欲十三趨庭聞十五媚奇服十九始出游篇章漸

恢拓浮沈入朝籍詠歎雜饘粥朝登飯顛山暮輒督郵辱
飢驅及三十轅下屢局促謂詩實窮人孔也賞端木謂詩
折官職一品會昌錄古今異豐嗇何以敦勉勗得毋昭事
疎或愧程才篤無以牖靈明懺申則宜夙維時日窮紀漏
鼓過參宿春風拂廣筵明月秉巨燭真形起方寸奔走及
五嶽黃河瀉天來手酌一杯綠眾星妥從坐燦爛萬金粟
載熏班馬香載侑迎年曲精神萃酌勞感召理不速大雅
小雅材天仙鬼仙族白會稱教主黃亦號詞伯或史而或
王妖囚總難薄靈氛颯風雨壇坵各爭屬盡此一夕歡庶
聯萬秋躅神曰大富貴惜爾不宜俗有金鑄浪仙勿貯阿
嬌屋有國開陳芳勿效杜陵哭世誠苦憤憤爾嗜殊落落
見異幸勿遷清貧卽眞福有花行可醉有石眠可啄壽考

庶不忘名山以爲鵠

哀龍城

龍城城中大燾走數十萬人泣以口口請擊賊乃擊民民擊還能代公守四月之庚力不踵外援亡歸賊來猛城竭守力守以心心盡填城作孤冢有生必死死重生一時義膽張如雲賊所不盡付水火僅者凍餒他鄉存嗚呼龍城不足惜所惜壞君東南之半壁蔽障可完力可扼一柱中流水輕擲君不見破吳入越曾幾時大燾今猶海邊立

書己未彙後

僅抱虛生感翻嫌造物優護持才落漠強作計句留觚踞堅論古詩胎瘦鍊秋平時飛動意牽抑向名流
奉檄赴古北口軍次祀輒有期書示同志

偶向中原賦采薇羽書連夕促征騑
祛風自賞參軍檄繡雪來題老將衣
如葉琴裝儕客燕落梅笳拍競妃豨
平生自厭儒冠腐不爲封侯相也飛
唾手燕雲路幾干眞同一障去乘邊
林盤蒼鶻橫殘照花撲黃驄豔少年
盾筆煙高金戟拓文鱗波隔玉兜眠
征西車騎馳如雨費煞嗟烏送錦韉

看山早已隘方州放眼關河屐齒收
萬竈貔貅前出塞一篇鸚鵡獨登樓
笑攬吳語供賓戲澆醒秦灰餉鬼愁
莫更遼陽春色誤亂紅高柳拍天浮
絕塞風雲接大荒誰敲銅斗韻伊涼
雞聲夜醒干門月虎迹秋盤萬嶺霜
客慣漸忘塵夢換官卑也要國恩償
鐙前獨抱龍淵嘯影爛芙蓉忍善藏

二公詩

江南提督張忠武公國樑

萬流注滄溟健者必先涌松柏長羣材精進自然聳桓桓
張將軍秉氣最完鞏初爲草澤游混俗意疇懂束身歸明
堂秉志效日奉富貴若固有嫌疑不難悚突劍三百戰每
戰必先董江淮十數年不獨小兒恐庚申夏四月雷雨陣
酣攏偶未困獸防潰軍賸孤擁作書上告變字跡血糊潼
督師心徬徨公遂裹創踊重臣辱敵手此事關國寵嗚呼
入牌塘竟作王罷豕蘇常繼淪陷城血半傾壅公生民宴
如公去死藉踵平時一蕘障到此始知重赫然留毅魄還
足媿迂冗作歌示百寮誰得如公勇

湖北巡撫胡文忠公林翼

晏靡足殄身窳惰足隕名日處積順中黯然蹙天心荆襄
二百年習俗酣嬉成竭頻示大罰原野皆荆蕞堂堂中丞
公振起湘川濱出守一再還利病洞若神及來作鎮撫彫
劫叢汙陳慨然作教條鉅細規員程手開農貨源俾民奠
其生杜塞衣食流俾民完其真吏皆知首公政乃臻大醇
時艱不敢康武備嫻修明寇懾皆遠颺紆籌急旁鄰龍山
傳大捷國憤沈年伸至今破竹功累復數大城黔黎幸漸
蘇皆出公精誠躬躬蹇臣節奄忽歸干春同時誦遺章朝
野哭失聲作歌示百寮誰得如公勤

上夕集鶴柴分詠所得元醮壇銅匱

檀波已歇落紋蹙冷暈香班剔叢綠發匣回鏡四座看傳
聞會列延春閣徑圍尺六廣綯三有侈其腹口不函雷回

雲薄走螭蚪寶貴不異尊敦盤當時九府停圍法可惜難
資水衡乏演揲書傳梵供興尙方奇巧乘時劇畫革旁行
字數行勒名還記鄭元康冶青濯絳鼓精氣作手何數工
堂狼紀年至正歲丁酉彌勒香軍漸頤夥祕密猶酣影窟
身咒詞親授天魔口一朝冷落亦可哀組鈴扇鼓皆成灰
閱人羨爾堅能壽不例銅駝棘底埋聖奴老去河山缺
手脂痕不能熱照徧人間今古愁窺檐只有團欒月取次
摩挲冷興饒銀花火樹避煩囂牀頭試撥藏春甕擊琖聲
還借影澆

金斗坊宅六十韻

大道將軍宅工徒不計年粉先生本拓村向主章遷輦石
和雲縮丸泥比雪妍垣防龍折篆沙路騎縈弦曉色山題

表濃香水態媽花移銅豨日樹老石房煙響屨披廊篠承
璫絡井蓮鷺屏文曲象雀栢綺連縣金碧渲空立瑩丹入
望鮮南園務觀記西第季長牋憶昔安韋布詒今肄簡編
常懷憂世憤遠慕濟時賢鏡笑承蓉冷經從緝柳詮掄材
臺選駿升講席銜鱸風轉神仙到霄清仕路便右曹登賈
爽早貴比任延晉令三台望思公十漸篇吟葩爛袞補拙
筴倣繩愆疏下同朝讀羨俄右海傳分符資衛瓘推轂出
鐔堅古有長纓請茲真秉鉞虔高冠烏集闕威節馬連錢
嶽色浮青幕霜聲瀉白鋌奉辭聲有赫轉戰氣無前殤有
汪躋慕鳴爭郭綽先嘉占六日捷猛氣萬雷顛卽破東山
斧旋馳朔野韉兩河資控帶千里動崇壇國偶混夷駮墉
堅宋翟鳶鉤梯初罷衛笳鼓又臨汧挾寵懷忘畏論功賞

漸專價爭諧北寺師只蒞中田蒼鶻參軍帽黃驄從史軒
拔茅甯果彙伏莽盡蒙全竟失鷗鷖悵須防獸困痊城焚
池亦及鄰苦壑難填梟格新持禁蒲萄儘醉眠告緡疲粟
帛計簿悉桑研府內財同乏房中樂仁宣風雲增骯髒煙
月鬪嬋娟管氏三歸使楞嚴十種仙高裝金擁越暝老玉
售燕賣醉新林夜嬉春細柳邊投壺聞齒粲貼錦趁腰圓
信有從軍樂疇撓大將權蠱生甘蒞穀魚得遽遺筌作福
無餘地羣飛欲刺天勢將成炙手色併傲齊肩得志甘忘
國矜情昧涉川冠羊煩讓諤緹騎遂踰躔籍籍株徒送貶
貶棘吏牽燥槃加劍請啣檻大車闐光未旄頭落詞難牘
背湔華亭思聽鶴蓬塊泣嘸鶻帝怒鑄根蘖人思助菅楯
膏腴充少內須髮肆通塵水月生疑夢山邱感足咽塵封

門有莠廷判筆如椽功罪誠難掩驕淫極可憐夕陽留古巷猶記照歌絃

柯蘅字佩韋膠州人有春雨堂詩選

詩話佩韋少隨宦閩中嘗從陳恭甫游學許鄭之學著有漢書七表校補致為精覈尤長於五言詩論者謂可追蹤襄陽不但無愧於鄉先生王阮亭也七律亦清疏亮拔

同許秋史

廣輿

登臨江關

憑高覽形勝閩越此名邦嵐氣不成雨鐘聲遙墜江暗潮生極浦遠翠到疏窗更訂登臨約莫閒游屐雙

送張琴溪

江氣雨冥冥龍吹秋水腥西風下黃葉有客正揚舲爲我一橫笛離愁滿洞庭艣聲煙際去遙見數峯青

與筵谷兄停雲攜琴至臨江關待秋史不至

客有抱琴至泠泠風入絃滄江淡無際落日欲生煙餘響
忽中斷秋懷殊渺然美人不相見悵望隔遙天

曉起出城游淨慈寺

城上畢逋烏夜啼城頭曉角風淒淒梵唱度雲寺隔水鷓
聲破煙人過溪閒門花掩石蘿老孤塔影隨山月低爲語
龐眉老尊宿松陰深處卜幽棲

臨江關送秋史

楓葉下紛紛揚舫獨送君天低星在樹江遠水生雲鄉思
因秋起客愁憐袂分西風折楊柳忍向笛中聞

送饒子珍

璞

歸安徽

春草綠汀洲長卿正倦游落花二三月歸客一孤舟別路
梅仙嶺鄉心謝眺樓石鳧山下月夜夜照離愁

五顯嶺至峽口

前嶺與後嶺勢若排空來谷深自成澗石坼各為崖林腥
虎氣伏霧暗猿聲哀登高收昔遁探祕娛今懷心領眾妙
赴目引羣峙回霞關在咫尺雲路不可階

仙霞關

直上亂雲間雲開見眾山風煙連太末海色動諸蠻俗儉
荒田少時清徼卒閒建州親舍在悵望隔重關

重過鄒平城下作

野綠與城齊秋雲渡嶺低幾家煙樹外行客夕陽西舊迹
憐鴻爪勞生慨馬蹏范公祠外路細草碧萋萋

歸燕

亂後知誰在花時見汝歸轉憐經歲別如與故人違道路

曾風雨樓臺半是非深閨春寂寂簾捲又斜暉

與李吉侯郭荔巖游程符山

山有望海巖毛女洞摺嶂聲泉諸勝

良辰偕勝侶振策紆游行緬茲邱中賞遂我物外情層臺
一眺望風物蕭以清石蓮花共色潭鏡影孤明野赤日氣
炯巖翠秋煙生高巖阻羲駕古洞閱元靈綠疊嶂如摺風
餘泉尚聲讀書懷韓子令我仰遺型往規感昔泯餘勝與
今并安能釋塵鞅相與樂巖耕

題郭子嘉聽漪草堂

義山舊傍玉溪居子美瀼西更結廬名士由來愛泉石先
生於此樂琴書側身天地青山老短褐風塵白髮疏海內
烽煙今未熄豈容高致狎樵漁

將去灘與吉侯外弟話別

將別共樽酒長貧憐客途屈平惟有姊士會未歸孥往矣
依依柳維之皎皎駒明朝回首望煙樹隔程符

董兆熊字敦臨一字夢蘭吳江人諸生咸豐元年舉孝

廉方正有味無味齋詩鈔

詩話夢蘭足不出鄉里而為學博覽無所遺工詩尤
長於駢儷文與任廷鳴雄卿書言不赴試舉之意云俗
為友唱酬甚繁嘗與雄卿書言不赴試舉之意云俗
士習為時文搔頭弄姿闖然媚世蒼鶻參軍幾同饜
演偶一得雋聲價頓增小夫豎子咸被題目心竊鄙
之雅所不屑其憤世嫉俗類此然夢蘭亦以狂不理
於眾

野步

偶赴城南谿友招蕭疏氣象見林郊魚乘水暝細遺子鵲
畏風多低結巢留客田家烹芋菽迎神村社奏絃匏海墻
俗尚猶存古要築三椽蓋把茅

相逢行贈江弼叔

混秀才

截業吳城高幾許登登聲斷皋橋杵張眼看天不見人閉
戶飄蕭還獨語瞳瞳日出閭門開十街九陌飛紅埃諸子
繡屨撇裾過咄哉一閨如蚊雷市上酒香新釀熟死拌一
醉鑪頭宿顧影翻爲陸雲笑發聲欲效唐衢哭少年何處
有江郎跋扈飛揚太白狂置酒碎琴蹤拓落睨柱斫劍聲
雷硯逢君下馬與君揖此客風塵誠獨立輒玉薦香十萬
家要君一洗綺羅習方今平津正求士杜陵蕭育眞男子
人生苦要致身早投筆從戎今日是血戰前年東海頭鬼
號白晝聲啾啾殺氣連天陳雲黑陽春三月寒于秋江郎
何不輪邊籌讀書十年奮已見世人那敢謂儒賤時危正
賴出羣才妖氣掃卻仍清宴我歌商聲雜微多江郎聽之

晚晴雜言卷一百五十一
當如何且爲朱鷺饒歌曲勿作人間五噫歌

村居

匿影空村裏招邀絕輩朋
秋風生野稻夜雨長湖淩
水閣清無熱山廚澹似僧
靜中喧聒耳門外落魚罾

兵動半天下漸行江以南
羌村歸杜甫精舍闢羅含
鶴唳驚寒早蛩吟弔夢酣
洞庭秋色老犒敵趁黃柑

東岡有田舍云是隱君門
障日借鄰樹避人居遠村
用慳囊諱澀汲少井難渾
吾欲從之往相依長子孫

垂楊維短艇旁郡避兵來
晚飯拾山果行衣上水苔
孫孤爲兒死屋徹想田萊
笑謂諸鄰曲生存且一杯

聽楊元潔

白彈琴歌

霜飛刺天木葉落北風卷地雁聲作
滿堂色動寒凌兢知

是山人弄絃索我生泛梗多憂患無端入此雍門彈悲從
中來不能遏衣裾清淚流潺潺方今箏琶聒人耳靡曼空
侯聞者喜攢君手腕請君止簾外月華寒潑水

夜宿法雲庵

前山嵐翠沈暝色檐間合禽聲浴鼓亂人語塔鈴答歸依
古佛龕始知此心雜巖扉全未扃隨風自開闔松寒生夜
溽漫空沸鞺鞳境幽喧亦滅聞根了無納役役塵網中坐
使秋鬢颯終當淨域居翻經補殘衲

萬斛泉字清軒興國人賜七品頂戴加國子博士銜再
加五品卿銜有尉山堂橐

詩話清軒學以程朱爲宗躬行實踐粹然一出於正
曾文正胡文忠李勇毅劉忠誠諸公先後延主漢陽
崇正上海龍門興國疊山諸書院交章論薦終不能
強之一出年九十七乃卒所著書推本儒先維護禮

教士論以尹和靖許白雲相擬集中詩
僅十餘篇講學之餘本不多事吟詠也

送友人還瑞昌

君反湓水側我歸雒水頭
兩水雖異源共入大江流
江流亦何永川流殊不息
汪洋指東海各努奔赴力

高峯書舍中秋有感

泠泠山上月今夜分外明
我心非木石對此能無情
粵匪寇吳楚於茲已四秋
生靈被屠戮白骨堆荒洲
王師未恢復
骸誰敢收寒鏡懸中天
相照令人愁

方宗誠字存之號柏堂桐城人官棗強知縣有柏堂集

詩話柏堂為植之族弟學期經世曾文正李文忠皆
重之歸田後學使疏陳其學行加五品卿銜文在桐
城後起諸家中最為樸茂
詩不多作集僅載數篇耳

得彭宮保書見示六句有作賦呈

衡岳高巍峩氣象千年新
蜿螭而磅礴鬱極斯降神
賢豪不世出天命康時屯
翊贊中興業度越甫與申
憶昔皇初治極亂萌
蹶中原咸震懾束手嗟朝紳
南山豹隱霧洞庭龍潛
鱗忠義倏奮發伊呂起渭
莘脫卻方山冠改服振振
衿縱橫江海上海上飛馱
萬千輪救民殷拯溺逐賊
如驅燐剛大塞天地奇氣
一朝伸蓋勞十六載日月
淨無塵塵淨謝時去浩浩
心如齋當其濟物時高情
故絕人萬鍾祿不受在官
類隱淪先憂忘後樂仲淹
猶非倫東山欣再起位列
要路津辭榮受艱鉅義進
利則遠長江萬里險終歲
勤周巡思枯夜不寐慮遠
眉常顰人謂已治安憂患
獨切身竹柏耐冬寒桂老
性愈辛賤子侍公久見灼
知尤眞疾惡如秋肅嗜善
温若春世皆頌公義而未
悉公仁與公十

年別跡疏情胥親愛我忘分位書來何頻頻貽我以詩句
語語肝膈陳盛德若無有休休一个臣我愧非令器苦窳
空陶甄謬膺賢相舉無術隆斯民何當罷官去隨公山水
瀕名篇歌反復腹中如車輪

戴望字子高德清人諸生有謫麀堂集

詩話子高治樸學有至行博野顏氏諸書南方之學
者傳習頗罕獨子高讀而嗜焉輯顏氏學記十卷嗣
治公羊春秋確守家法成戴氏論語注二十卷往往
以公羊互證自成一家言詩清朗恬雅翛然不染塵
堪

立夏日雪

天意吁可怪無端夏雪飛紛紛斷江路片片送春歸愁說
臨安事憂聞溧水圍無慘還對此默坐念庭闈

避兵東林山賦贈程大

急難重逢日相憐似弟兄家山仍夢寐烽火又清明歎息
魚蝦市頻驚草木兵荷鋌知計拙應悔作書生

一昔

一昔繁霜四海秋端居終日抱離憂徒懷阮籍登臨歎長
作盧敖汗漫游亂世誰能謀祿隱全生終愧客諸侯越王
臺上思鄉處一片笳聲動地愁

度雲礫關

高枕閩江勢轉東當關一敵萬夫雄倒懸瀑布青天上亂
激危濤怒石中當日北門亡筦鑰至今南國怨沙蟲誰憐
匹馬秋風客望裏蒼茫似斷蓬

李善蘭字壬叔號秋紉海甯人諸生官戶部郎中加三

品卿銜

詩話王叔精算學兼採中西成法深造壺奧幾何原本初譯非完書王叔始爲補譯好學深思心知其意爲自來疇人所未逮總所撰述合刻爲則古昔齋算學

短至前四日自駕湖旋里蔣杉亭仁榮招同崔蓮舫
舅氏德華許莠坪增曹篁坡鐘暨令兄索梅熙鴻
藹人士燮集東野別墅分韻得欲字

終歲客鄰郡夢繞東山麓言掃先人墓歸我山下屋故人
喜余至執手笑可掬咄嗟具盤餐香蒸新醅熟同社四五
人麈至不待速略略酬寒暄突欒坐幽築是時雨新霽六
峯削寒玉老樹如枯僧窺牖頂方禿杯行事真率觴政刪
繁酷雙螯雖過時魚亦我所欲鄉味况復佳新齋配粳粥
縱談雜諧莊忽驚街鼓促欲去且復留盡此几上燭明日
又他鄉回首煙波綠

張道原名炳杰字伯幾又字少南錢塘人諸生有漁浦

草堂詩集

詩話少南潛心著述熟於鄉邦掌故駢散文及詞曲
書畫爲之輒工自言讀書二萬三千餘卷著書六十
餘卷詩學東坡吳和甫學使謂與甬江陳
餘山爲雙絕內行肫篤遭親喪以毀卒

旅夕病榻作

疏簾微雨減吟詞鶴背風多瘦不支客裏懷人偏善病最
難酒醒夢回時

坐艇子渡江

淺淺瓜皮狎小舟不將風浪怕橫流空明恰稱鷗鳧性飽
看雲山兩岸秋

寒食道中憶諸亡友

眼中一掬親朋淚彈入春風宿草多綠髮年催書客老

沈肖

雲黃墟春斷酒人過周麓雲家次京鄰家笛怨生官柳山郭詩魂

帶女蘿杜宇莫嗁寒食雨紙灰如雪柰渠何

題端木叔總詩後

青田莽莽高雲秋中有鶴氣清且道石門瀑流潑天大山
空地冷真龍卧君取元精總入詩蕭森澹蕩蟠孤姿太古
明月混元雪姑射天身自然潔我詩倔強風沙麤摩盪清
景知能無對此徘徊媿邢尹口噤其妙心已領會當努力
禿萬豪與君並世追風騷書成藏汝洞天府鶴味龍心夜
能語

初秋曉入龍井

露氣收不起山氣襲衣涼背日松杉韻含風草蕨香溪田
抽早稻路螻覓秋糧嶺曲逢樵女疏花滿髻旁

越城晚發

山城斂夕暉挂屐共春歸橋暈圓吞槳篙聲猛入磯迎人
高樹黑窺水遠星肥吟得詩成畫貧游未悔非

別叔總

春風吹綠越岷煙中有鶴爪留其顛共尋游賞十七日能
洗別愁三數年流水青琴思歸引名都白馬從軍篇與君
出處兩難主安得並耕盤谷田

叔總將從軍廬州

何其超字古心青浦人有藏齋詩鈔

詩話古心初與姚春木游後從張詩船客中州詩學
具有淵源喜效賈長江為僻苦之詞稍放而為錢劉
五言較勝錢心壺題其詩草云韓公吞篆遇東野張
子擊盜逢古心聞仙祠前共還軫天風相振欽寥音
空山無人行徑微蒼苔石厚霾煙霏
蹇雲踏礪君獨往中見巨材成十圍

聞覺阿上人挂錫支硎用前寄焦山韻柬之

東坡先生詩集卷一百五十九
五
黃葉無人徑支牀卧冷煙詩寒收石氣雲活養松年銅井
一林雪寒山千尺泉此間儻相見除是不談禪

秋窗無事讀賈長江集因倣其體

繁華盡銷歇獨鳥下秋雲殘柳隋隄雪荒榛良嶽雲城寒
清角起寺夕遠鐘聞鄉思憑誰寄蒼茫煙樹分

心有子雲好時名真可嗤買書饒破錦蝨井得殘碑食古
從蟬化藏山問鶴知故人隔江水空復鹿門期

姚子壽丈
時在荊州

寄顧荃士太史

見日值君病別來彌復思閉門晚花落曳杖青山期世味
歸田錄秋懷愈瘡詩故人如問訊心事嶽雲知

密縣

山深過雨鵝雞嘯身在丹崖碧樹西盤馬入雲渾不遠回

頭惟覺萬峯低

峯巒城郭勢參差古地還來問具茨煙火萬家斜日晚亂
山喬木卓君祠

訪唐隱士田游巖故宅

高人遺世情抗志謝圭組幾聞田隱君出山見人主韜迹
依林泉闌寂如太古夷然萬乘前仍作煙霞語敝廬寄嵩
陽一廛蔽風雨晚結由東鄰高蹤追負黍束帛徧幽巖斯
人獨冲舉山空猿鶴愁白雲莽殘礎

諸翟訪梅花源遺址

何處春風千萬枝仙源曾許外人知著書元翰心多苦愛
客天庸志更奇流水澹成高隱迹好花開到盛明時荒榛
日暮聞嘯鳥曳杖重來感鬢絲

天寒雨雪有感時事

相對茫茫感百端側身天地未爲寬
風來江上波濤闊雪滿山中草木寒
側席方知儒術重登壇總覺將才難
洛陽年少休長歎好及良時策治安

周音字諧伯江蘇山陽人有諧伯詩存

敬題通甫師詩集後時師新自都歸

昔我策馬南山陲天陰月黑驚奔雷
前臨大溪阻絕壁巉巖一木相撐持
電光下掃五千丈仙人王母翻雲旗
我行不語歎荒怪喟然卻悟先生詩
先生之才真屈宋下筆羞論周鼎重
寒如西嶽倚高秋快如天馬絕塵鞿
隆慶以來數作家宮聲嘈雜紛箏琶
袁趙橫流六十載啾啾兒女歌淫哇
先生知其困必反矯以清奇極深穩
扶桑捧日海雲

開鯨魚挾浪江流轉是豈有筆如秋虹化爲劍鏘藏霜鋒
杜詩韓集分明在千秋正氣凌寒空音也雕蟲學小技鸞
鳩詎識鯤鵬意前月聞自上京來歸鞍定帶幽燕氣荆卿
寒水去蕭蕭郭隗荒臺久寂寥會從市上尋屠狗便向山
中逐射雕

讀清河吳明府檄書感賦

登壇顧盼浮雲清遙指天日告列城心長語重三丁甯使
我悲憤交縱橫古稱文章侔元氣武夫悍卒能揮涕讀公
此書不墮淚馬牛衣裾神所棄酒酣倚劍髮衝冠道旁築
室古所患何當眾志化磐石莫令咫尺生波瀾

袁江百尺明人影有兵可用水可飲欲往從之百憂煎高
堂素髮已垂領男兒墮地終儒冠蟲吟草間蝨處禪北門

管籥荷君重幕府殷繁須士用操戈逐賊良未能借箸前
籌睇一中長歌寄謝諸少年幸牀下伏毋匆匆

昔游

昔游胸山陽東海看出日空中金雞鳴紅霞黯愁色火輪
忽飛耀蒼巖炫丹闕半頂聆清風波濤萬里闊水天霽景
明帆檣植如髮蓬萊露氣深浩蕩潮頭沒窮秋惜日短萬
象助淒冽歸來倏三載道路隔榛棘官場萬井竈化為豺
虎窟巨魚吼若雷齒牙利金鐵青山雖在眼難具浮海筏
藥囊今已空惆悵兩鬢雪

去年游京都往來岱宗側仲夏山氣盛殘陽半天赤朱欄
互微徑跼步凌石壁浩浩萬松湍隱若風霆激靈宮映窈
窕幽泉鳴滴瀝暮霞澹餘彩仙路渺悽惻六龍駕不回天

門沒行迹秦皇與漢武莓苔隱深刻晚入東嶽祠蒼槐冷
氣逼闕壯隔人天神鬼森動魄入世厭塵土干戈尤偪仄
終焉置吾家長年飽山色

別墅雜詩

多學身何得躬耕亦未遲世情勞者善物態靜中知草露
披晨耨樵歌聚晚炊連朝有營葺眼底富茅茨

窮鄉寡人事偃仰寄吾真世路方吹沸人情幾積薪風帆
悵東海山色住西鄰萬國親戎馬吾終老釣緡

程畹字蘭畦儀徵人諸生有嘯雲軒詩文集

詩話蘭畦因揚州寇擾流寓東臺執贄受業者甚盛
臨川李小湖大理題其橐云真州文學程蘭畦讀我
千詩題四詩緘詩寄我我未報函來續遣窺全豹繫
昔鎖院收英奇我為敬與君退之年來分作海濱客
君為根矩我賓石土逢知己意氣伸亂離篤念通門
親天賒一死吾儕福詩史憂時大題目程生程生為

客難君家古驛名迎鑾江山屢被人量去文采何與
 卿饑寒東臺寄食誰與語離官市販非儔侶荀卿有
 激演成相孟達多哀吟上堵五行志裏古詩妖長慶
 集中新樂府程生程生毋太苦剝復循環一仰俯數
 窮已過幽囚歲氛滌仍皆乾淨土女中堯舜戴宣仁
 漢官威儀開建武江左況有管夷吾誓不以賊遺君
 父比聞傳檄下吳閭待看降幡出建康潢池盜弄本
 赤子解散歌終莠化良三軍奏凱還家早謠徧康哉
 懼父老程生作詩有佳句吹律陽回豈終稿寒號一
 且驕鳳皇鳴秋蟲變鳴春鳥此詩作於同治癸亥距
 今六十年矣蘭畦自言年二十有三避寇村居始學
 為詩身世之閱歷交游之贈答一切觸於哀樂之境
 悉寓其間曲園太史贈以詩云虞卿著
 作窮愁後杜老詩篇寇亂中蓋紀實也

述懷

螳勇晉文避蛙怒越王式軍麾滿天下壯士亦間出巧遲
 非所欽拙速安可得垂成厄虎將觀釁動蟻賊當東忽赴
 西欲南乃更北艱難賴忠貞枝梧竭心力蒼天何不仁斬
 刈未有極遠慮迴萬里近禍在頃刻淮南大布衣慷慨善

憂國迂謀適不用長劍黯無色偷生戀父母千金買一息
大地結羅網先後理莫測生年無幾時顛沛忽我逼澄清
長河水何人亂使黑作歌以告哀慟哭五情塞

題李小湖廷尉師

聯秀

好雲樓詩集

叔世大有患憂國惟書生達官習忌諱拱手頌昇平朝無
白香山野無杜少陵巍巍天門開隆隆期同升詩篇及時
事黑白終分明于己有弗便于人多見憎所以頃刻間出
處異性情夫子早歸田傲骨餘棱棱江湖志廊廟發語皆
血誠至言使人服罪言使人驚誰言蠡測小大海深可憑
賤子喜吟哦寒瘦愧郊島俗學能累人讀書苦不早春花
一過時往往不如草兵戈四方動玉石無醜好作詩爲消
憂反用增懊惱知音良獨難做帚以自寶低頭伏海隅誰

復資探討大雅忽間作示我以先道經史發光怪義理掩
文藻不顧右手胝萬本爲傾倒微名儻附驥何用憂心擣
類于延陵十字碑歌

凡事傳信休傳疑請君試觀十字碑有吳君子延陵垂人
雖往矣墓在斯篆法敦古書者誰天遺一老何能辭翱翔
鸞鳳蟠蛟螭夕陽豐草蹲熊羆想見大筆濡淋漓游夏袖
手從旁窺南游不到非支離銘幽刻石遠致之帖小碑大
臨摩歧君子季子無殊規陽冰變化碑所基歐陽集古胡
游移聖賢訢合淪肝脾泰伯至德人不知幽光闡發惟宣
尼季札一脈非旁枝讓乃家法孫能爲禍福得失天維持
一毫計較公變私論人成敗聖所嗤嗚呼兩字潛含悲贊
歎欲絕猜緇帷蔡邕文學鄉里兒石經且許金門施石鼓

剝落斜復敲昌黎尙惜空棄遺先聖手澤何瑰奇書以人
重觀忘疲安得願爲天下師羹牆如見當臨池我欲言之
分慚卑天風颯颯碑前吹

口占

於世眞無補飄零贅此身自然消意氣何處著經綸有夢
翻愁夜無花嬾過春對人常默默龍性亦能馴

書憤

花飛草長太無情百感多於靜處生未死豈甘忘骨月有
生何苦負聰明處囊壯志應無用躍冶文心不肯平蝸角
祇今餘一笑向來容易說功名

避寇由甘泉公道橋至東臺

鐙火湖干別有天風聲鶴唳總茫然國殤頃刻猶交臂襁

負何人敢息肩每到窮途思致命絕無長策且愁眠歡呼
忽聽來飛將一戰功成萬口傳

李光炘字晴峯號平山儀徵人有龍川詩鈔

詩話道咸之間石埭周太谷星垣講學於揚州晴峯
與同邑張石琴積中並為高弟同治初石琴居山東
黃匡山中聚徒講學時值寇亂黃匡地僻險避亂者
歸之遂成都聚其徒用古衣冠祭孔子蜚語大作閭
文介公為巡撫檄之出畏罪不應兵至焚戮甚慘昭
介後深悔之光緒間喬茂萱左丞官諫垣為奏請昭
雪晴峯當時亦匿迹韜晦其學尊良知尚實行近於
陽明旁通佛老間附識緯故世謂其出王心齋泰州
學派士大夫多注門下籍者而書祕不傳晴峯詩具
風調且流連花月不似講學人語洵不可測其感懷
詩似即為石琴作又有贈黃
隰朋詩隰朋傳其學者也

丁巳夏日送石琴北上感賦

兵氣連凶歲驚心六月寒天戈頻挫畔國步太艱難東魯
儒宗大南天雁影單銅駝荆棘淚忍與爾同看

名世徒虛耳休言王者師清樽辭舊雨梁木壞多時爾我
中年後兵戈未了期相逢問軍旅俎豆亦何爲
永夜不成寐匡山舊夢長白蓮三伏雨紅葉九秋霜此別
一揮手天涯孤棹行臨風吾有詠髣髴話滄浪

感懷

海上成連去不回人間都道伯牙非知音縱有鍾期在一
半琴心已化灰

回首蓬山路幾千人天消息竟茫然子規聲裏楊花落腸
斷江南李謫仙

晚晴詩匯卷一百五十九終

與謝靈運詩集卷一百五十九

與謝靈運詩集卷一百五十九

與謝靈運詩集卷一百五十九

與謝靈運詩集卷一百五十九

與謝靈運詩集卷一百五十九

與謝靈運詩集卷一百五十九

與謝靈運詩集卷一百五十九

與謝靈運詩集卷一百五十九

與謝靈運詩集卷一百五十九

與謝靈運詩集卷一百五十九

與謝靈運詩集卷一百五十九

與謝靈運詩集卷一百五十九

與謝靈運詩集卷一百五十九

晚晴移詩匯卷一百六十目錄

劉徵 二首

吳廷香 三首

黃文達 四首

顧復初 八首

嚴恆 二首

覺羅廷爽 一首

于士祐 一首

于光襄 一首

魏燮鈞 三首

于雲升 一首

凌志珪 三首

吳恩熙 一首

汪汝式 五首

吳頤吉 二首

錢家吉 一首

焦光俊 二首

吳安謙 三首

王殿森 一首

石渠 一首

謝庭蘭 三首

魯蕢 三首

林熙 一首

孫融 一首

錢江 一首

吳萃恩 二首

王德馨 二首

王壽 四首

朱嘉金 一首

朱炳清 一首

高炳麟 一首

曾諧 二首

高鼎 五首

姚陽元 一首

袁振業 一首

賽開來 三首

趙繼馨 二首

陳雲章 三首

王尙辰 三首

徐士怡 二首

屠之連 一首

田維翰 三首

汪昶 一首

王家仕 三首

鄭先樸 三首

黃仲騏 二首

黃維申 三首

劉秉莖

二首

黎兆熙

二首

羅廷琛

一首

王汝霖

一首

德業錄 二首

王汝霖 一首

晚晴移詩匯卷一百六十

徐世昌

劉澂字礪薊吳縣人諸生成豐元年舉孝廉方正有歸
硯山房遺詩

憶秦淮

秣陵秋色自年年碧水紅闌映宛然隄上柳絲隄下舫縱
無煙雨亦堪憐

清尊檀板勸殷勤水榭風來笑語聞殘醉有人簾半倚酒
痕新上藕絲裙

吳廷香字蘭軒廬江人優貢咸豐元年舉孝廉方正殉
難有吳徵士集

棒檄橋觀打魚用杜公觀打魚韻

時賊據金陵

廬江近水非通津山梁漲雪堆如銀
冷父瀑下黃陂滿潑刺時復來游鱗
居民大罾船戶網圍橋觀者爭疑神
老饕得魚且佐酒雨餘几研無纖塵
王家鐵槍哥舒刀江南烽火連天高
武昌松江盡肥美亂流一網無遁逃
須知魚亦我所欲玉筋金盤總蕭瑟
長鯨鼓浪何時休底事吞舟坐相失

題張氏山居

烽火驚春老勞生此避喧那知亂山谷
中有小桃源新筍迸出土清泉流到門
杯盤真率處猶有古風存鸞鳳竄荆棘
豺狼當路衢干戈餘涕淚霜雪此頭顱
把酒不成醉請纓誰與俱勞生負邱壑
我亦許馳驅

黃文達字笠雨江甯人諸生有石菖蒲館詩鈔

詩話笠雨幼避寇亂僑居滬上以醫療貧癖好吟詠
時有佳句張獻山頗稱之長於詠物如寒菜云近市
問誰知此味閉門須識有奇才落葉云蹤跡不知何
處定飄零強作可憐紅野菊云獨立風前寒似我未
甘籬下偶依
人饒有寄託

出門

清晨出門去路上人行稀山深寺鐘隱日杲秋露微流水
澄見底霜葉紅未飛行行若有得所得是無機

秋日村居

雞犬安眠世事忘避囂恰稱此村莊青山紅樹團茅屋秋
草荒煙冷夕陽不事繁華人自古絕佳風味稻生香溪南
好友相鄰近日往煙蘿話晝長

冬柳

江干老樹自成村無復婆娑舊日痕碧玉歌殘愁白下黃

金拋盡冷朱門數灣流水寒、無色一抹斜陽瘦不温小別
青溪經十載淒涼知否幾株存

嗚嗚寒吹撼旗亭榮落隨時亦慣經晚歲幾人傷老大飛
花前度感飄零鬢因點雪俄驚白眼不逢春未肯青回首
長隄蕪沒盡六朝煙月夢初醒

顧復初字幼耕號道穆元和人有樂餘靜廉齋集

嘉定

羣山綠繞舟雲樹亂春愁石勢窺人落江聲抱佛流古傳
海棠國今上讀書樓縹緲三峩影飛仙不可求

峽中雜詩

東風一萬里吹我挂帆西楚地緣江盡蠻天到蜀低春雲
歸雁遠山木亂猿嘯夜夜高堂夢鄉關怨鼓鼙

畫鼓闐闐咽舟從井底牽汰崖行白日鑿石出青天雲氣
學山立灘聲如雨懸羨他下峽者驚電讓歸船

物候西南異爰知富媪材藥苗松乳雪蟲穴竹根雷泥煥
藏龍骨山寒孕虎胎蜀都誰續賦好借太沖才

犍爲塗次

乍見秋雲擁竹關俄驚涼氣到蘆灣一江帶雨全吞岸萬
樹搖風欲下山蒼鶻健蹲僧閣住白鷗亂趁釣舟還從知
隨處皆堪適祇在從容繫纜間

汶川

綿虜西去導江東土俗華夷控御同山色穠堆牛背上溪
聲亂入馬蹏中繩橋官路通區脫板屋人家似小戎今日
車書皆混一無人更說贊皇功

岳池曉發

起逐羣鳥出近關岳池楊柳尙堪攀
曉煙晴日濛濛樹遠水平田澹澹
山歲稔每聞人語好途長翻覺客心閒
不須更說辭官去儘有桃源在世間

秦中

陳倉北去別煙蘿漠漠神皋電轉過
天外三峯朝白帝關中八水走黃河
秦灰劫盡龍蛇遠漢殿春空雉雀多
王氣伯圖俱滅沒終南晴翠鬱嵯峨

嚴恆字立方號笠舫慈谿人有聽月樓詩鈔

詩話立方與弟益終身同處以友愛稱少學賈耽吟詠與鍾學士駿聲輩相唱和學士采其佳句入詩話又工繪事畫蘆雁得邊壽民遺意

舟中

空闊俯滄洲乘風溯上游斷雲干嶺樹斜日一孤舟吟興
入秋遠歸心逐水流何當邀魯望把釣狎閒鷗

同友人夜泛月湖

水仙祠外西湖西涼風吹浪湖外湄垂楊掩映白沙裏云
是偃月錢公隄片時月上畫樓東雙橋影落霜鏡中天涯
塔火半明滅數聲敲斷僧寺鐘漁舟唱晚未歸去輕歌漸
入蘆花叢舒王唱和詩中俠月夜花晨時泛楫一樽醉到
十洲紅紅潮色暈梨花頰柔艣輕搖碧沚邊香風暗度荷
衣落落花入座色紛紛蕩漾羅衫欲舞人采蓮高唱十洲
曲至今遺韻猶清新紅蓮閣下香不改賞花玩月人何在
嗟君行樂須及時曦光未必終留待洗盞更酌莫言歸空
令皓月流清輝

覺羅廷爽字棠門號紫然有未弱冠集

詩話紫然為語鈴中丞子年十有九刻詩集即以未弱冠名之漁洋初刻落箋堂集年十有五紫然雖未足擬之亦嗣

嗣佳公子也

登千佛山

幾日重陽過來登近郭山人行秋色裏峯倚亂雲間魯樹

千重出齊煙九點閒新詩聊可寫收付錦囊還

于士祐字筠菴天津人諸生有南有吟亭詩草

偶憶蘇家橋

蘇家橋下路一棹入空濛遠樹黏天綠新荷出水紅雲山

前度夢詩酒幾人同記得菰蒲裏推篷挹晚風

于光褱字阿璞滄州人諸生有翠芝山房詩草

詩話阿璞刻意為詩摹溫李酷似海上謠一篇有絃外意

海上謠

秋色沈沈海水碧長鯨尾碎珊瑚赤五銖衣薄不勝秋
嫦娥驚落銀蟾魄香索牽鈴護瓊藥玉梅裏裏寒煙裏瑤漿
誰肯貯晶盤雛鳳襍飛不起麟脯紅灑桃花鹽蘭堂桂
燭跋重添貝闕珠宮宴龍女修竹寒倚鉤湘簾五岳神圖
送阿母海若前驅蛟螭走好憑青鳥寄相思絳河迢遞空
回首冷雲漠漠獨自眠芙蓉花落仙城煙寶帶牽情入幽
夢搖空水綠天風連

魏燮鈞字公隱鐵嶺人貢生有九梅村詩集

塞上客夕

近塞春風大寒吹陰復晴沙塵霾日色草木聚邊聲野墜
荒雲黑山燒夜火明蕭條復誰慰竟夕獨淒清

還鄉

一年驚又臘風雪送歸程海上歲將盡天涯人獨征依官
成拙計負米困勞生更有高堂望迢迢念子情

岫巖秋望感興

乾坤萬里接風煙獨立蒼茫興浩然秋色西來通渤海曉
雲東望極朝鮮側身人世如遷客過眼光陰感暮年牢落
吾生終寂寞何須搔首問青天

于雲升字山來臨淄人有綠墅詩草

石橋望月

舍南舍北水爭流人靜橋空夜色幽漫倚闌干成小立仰
看明月恰當頭疏疏風散紅蓮渚淡淡煙橫白荻洲隔浦
鄰舟歸欲盡漁歌聲斷一天秋

凌志珪字桐叔江甯人有惜分陰館詩草瑣尾廬詩草

詩話桐叔為包安吳弟子工書能詩幕游不仕全椒

薛慰農藤香館詩存有題凌桐叔瑣尾廬遺藁云天

荆地棘真無柰瑣尾廬中抱膝吟一片商聲絃外應

六朝綺夢酒邊尋江河不廢王揚體蘅杜能傳屈宋

心太息昇平君未見斜川且喜有遺音自注詰嗣耀生亦工詩

蘭陵舟中口號

擁裘枯坐靜如僧斷岸危橋樹幾層怪底歲除偏作客一

颿風雪下毘陵

人知弔都督湯貞愍公貽汾和楊西華作

又是重陽近登高感昔年王子貞愍公招同人重九會獅窟園每值月之九日皆為讌集

謂之展重陽直至歲杪方止極一時之勝將軍真死難我輩愧生全風雨靈旗

壯星辰碧落懸故園何日返重訪舊林泉

一門留勁節三世効孤忠書畫乃餘事風流孰與同開樽

君興雅乞食我途窮嘉會難重遇因之感二公謂侯青甫
文包慎伯

吳恩熙字菡青吳縣人諸生有救壽廬詩集

過紫金庵

人跡不到處杳然別有天山深猿獻果僧老鶴齊年塔影
分奇樹鐘聲鎖暮煙扶筇覓歸路遙隔翠微巔

汪汝式字子經江甯人貢生有信芳閣詩存

詩話子經有孝行游幕皖江歲暮必歸省少與郡中
名士何汝霖章沅周開麒讀書於城北竹居三年學
大進優蹇場屋以諸生終長
於詩歌宮詞尤清麗可誦

泰陵詞

汾水秋風起雁塵無端歌舞淚痕新玉環誰鏤琵琶字已
兆江山屬美人

望京樓上按伊涼秋雨霖鈴恨轉長一局殘棋悲往事老
臣猶說幞頭香

奉聖山閣

有水有山處高秋一倚闌樹聲村店晚草色野橋寒破艇
游鱗聚危峯獨鳥盤人家漸燈火歸路更漫漫

古意

裁取吳綾被褚綿復褚絲厚薄郎不言冷暝儂自知

雨花臺

同泰金錢贖帝子江南好佛生歡喜雲光說法天雨花續
紛四面飛紅紫吁嗟雨花不雨粟空使臺城鬼夜哭登臺
不見講經人西風吹澹秋山綠

吳頤吉字少溪武進人諸生有仙蝶樓詩存

過鄭村弔覺華菴

覺華古禪院代謝成千秋憶昔少年日來登雲外樓詩人
忽已往法相安可求歎息不能去徘徊上廢邱

邵竹嶼過訪

種瓜東陵下瓜美甘如飴迢迢碧溪水喬木影參差中有
讀書處夢寐常見之樓前花木茂百本多離奇階下秀蘭
草春夏何歲蕤結構念先澤栽培勤灌滋流連動過客况
忝座中師世運有代謝人生感別離紛紛樹間鳥巢覆無
棲枝展轉雉皋下季女常苦飢徘徊虞山道旅人喪斧資
好古犯天忌飛電逐蛟螭龍眠寫生手破壁騎金獅囊空
竟羞澀矯首猶伸眉欲從季主卜前路曷可推江南兵未
罷旋歸定何時

錢家吉字辛生吳縣籍金匱人諸生有寄生吟草

南錢雜賦

養拙何妨懶幽居不厭貧小橋低壓水亂柳密迷津風月
宜佳客江南有散人陽山嵐翠合閒眺一怡神

焦光俊字章民江甯人諸生有耐菴詩鈔

二月晦日夜坐

繁雲冪冪雨絲絲寂寞荒城夜柝遲惆悵江南消息斷春
陰又過杏花時

有感

北狩天王出東征介弟才烽煙三輔急宮殿九成災鳥室
飄搖感鵠原急難懷朝廷終不改誰促六龍回

吳安謙字益夫號秋谿江蘇清河人諸生有聽雨草堂

吳詩存

詩話秋谿少致力於詩常有句云溝水何時能到海
閒雲終日不歸山尹耕雲見之歎曰工則工矣非廊
廟中人語也果
困阨以諸生終

雜興

松柏入塵市價不及桃李生無媚世姿安與眾競美達人
守其真賞心空谷裏靜極虛妙生萬事不到耳行樂根性
命性命寄山水悠悠天地間幾人悟至理
鳳凰游海濱寥寥寡儔侶繁豈無羽族仙凡難雜處翱翔
千仞上不見鸞鶴舉俯視蓬蒿中燕雀集幾許同鳴鮮好
音志在得其所物各以類聚達哉先民語
讀書辨真偽豈以論屈伸小儒矜片長盛氣壓羣倫溝澮
小滄海邱垤卑崑岷昧者不自量誰與指迷津宣尼稱至

聖不敢居智仁堯舜獨千古淵衷遜臣鄰胡爲蚩蚩輩輒
欲多上人

蘇王殿森字月巢寶應人貢生有補梅詩鈔

秋蘭

閒庭習幽靜清香透書帷起視盆中蘭娟娟開一枝秋光
倏已晚爾開何獨遲風聲撼林薄霜痕沾鬢絲孤芳孰延
賞知音安可期我亦素心人何時慰幽思

石渠字梅孫吳縣人諸生有葵青居詩錄

八月初十夜坐月

庭窄不容月開窗偶見之憐余久飄泊似爾亦分離今夕
重相對何人慰所思從知盈則蝕惜此未圓時
謝庭蘭字湘谷丹徒人諸生有湘谷吟藁

晚眺

落照沒前嶺紫翠千重深清風松下來微涼入我襟歸羊
散村墟宿鳥趨空林垂釣者誰子暝坐煙中潯

暨陽上元

鄉國渺何許天涯春色歸無家悲令節有淚溼征衣宿麥
連雲秀殘梅作雪飛烽煙燭江表遠夢繞漁磯

射陵謁陸丞相祠

海氣昏昏落照邊厓山風雨尙依然濤頭白馬坐前侶水
底蒼龍死後天虛閣松聲疑敵騎寢堂竹韻宿寒鳶可憐
襟上斑斑淚留得千秋碧血鮮

魯蕢字仲實江蘇山陽人諸生有仲實詩存

獨坐

獨坐愁無賴蒼天不肯晴鄰雞都一哭尊酒且三更太息
庭芳爛生憎簷溜傾蹉跎兵甲外伏枕淚交橫

古意贈今人

長繩繫落日潛從根九淵如何將微絲至意深纏緜憶君
不相識見君情轉戚十年抱夙悵涕泗橫君膝誰謂南山
鳥枉就北山羅夢眼悽心魂蝴蝶相經過殷勤託芳素贈
君合歡褥合歡那所量團扇潔如玉豈期浮萍草轉作楊
花飛嫦娥竊無藥三五愁雲欺宛轉復宛轉春風吹髮短
忍復摧燒之留此明人眼金刀莫剪爪剪爪爪痕枯出門
莫振衣振衣絕衣裙衣帶日以寬離懷日以永當戶疑有
人愁見庭樹影肅肅西征鴻洋洋東逝魚爲君前致詞努
力籌良圖良圖誠所願長夜何時旦願將身化石從此填

銀漢

歲晏行

歲晏朔風百憂集步出東門西門入桁上無衣囊無錢妻
孥何用苦煎急自從師興官帑虛公私坐困枯魚泣水衡
少府仰屋愁變通改鑄聊取給法權輕重遞減半重者當
百輕當十一當百十官與民轉輸官官怒嗔通風啞板
目色新官局沙汰何其頻且如南河幣用楮吏俸兵糧皆
賜予龍文寶印空鏤錯一紙千錢誰給汝烏乎四海愁風
塵朝法暮制徒紛紛長沙諫鑄流千載誰是當今痛哭人
林熙字紹眉侯官人有井窻蛩吟

過道山小石室感舊

眼底蠻花匝地斑仙關今昔異躋攀幾行墨跡猶留壁一

片泉流不在山惆悵重來黃葉下蒼茫獨立夕陽間多情
最是巖巖石依舊逢人不解顏

孫泐字次公秀水人有始有廬詩稟

登湯山晚眺

茫茫百感此胸中極目天涯劫燒空危堞遠迷春樹碧夕
陽亂逐晚潮紅江山凜冽餘兵氣壁壘荒殘弔鬼雄萬戶
瘡痍猶未復時和扇暎藉春風

錢江字東平長興人諸生有六朝雜詠

詩話東平負經世之略咸豐中寇亂佐雷副憲以誠
幕創立釐捐藉以餽軍或議於副憲即座上殺之宋
陳邁創經制錢殉於中山亭林深詆之
然邁猶死事東平得禍視邁爲更烈矣

邗江雜感

草野猶懷救國忠而今往事哭秋風桓劉有意爭雄長韓

岳終難立戰功滄海風濤沈草檄關山霜雪轉飛蓬
過眼皆陳跡往日雄心付水中

吳萃恩字聚泉嘉興人有南湖百詠

沈珪墨

二李而還數秀州烏金十笏豹囊收對膠莫道堅於石容
易磨人到白頭

曹用筆

君家譽重建安文餘技中書又策勳留畫丹青引中馬風
流長憶故將軍

王德馨字仲蘭永嘉人諸生有雪蕉齋詩鈔

夏夜

衡門客散靜無譁唧唧蟲聲透碧紗
消得夜涼清似水雨

餘殘月在荷花

雨後小齋獨坐

檐溜初停日已斜
坐看樹影上窗紗
悠揚琴韻風敲竹
滴瀝脂痕雨洗花
老去世情如嚼蠟
春來詩思又萌芽
小齋莫更嫌岑寂
鼓吹新添兩部蛙

王壽字補樓嘉興人有玉樹堂詩藁

苦雨

世事逼杜門
抽身謝塵俗
枯坐一室中
天寒肌生粟
苦雨聲蕭蕭
晝夜無斷續
年荒百物貴
催租吏猶酷
四野聞捉人
貧窮遭撻辱
可憐旁觀者
敢怒不敢哭

市上少行人
淚灑家家雨
屈指已數旬
千里無乾土
重雲蔽青天
日光黯不吐
安得製大裘
手自蓋萬戶
海大尙可

填天漏詎弗補吁嗟庸碌碌徒云恩難普

我家有恆產八口飽未能我家有恆業利薄賈益騰我愛
讀我書使我心有恆澹泊足養性營求徒取憎矧此利所
在反覆不足馮我心祇危懼省身惕履冰

苔痕綠滿庭客蹤絕已久有約復不來獨酌杯中酒日暮
發狂歌兒童齊拍手笑我醉且顛張膽竟如斗拔劍怒衝
冠大聲忽鯨吼飛身欲上天撥開雲霧走

朱嘉金字少谿號曼翁嘉興人諸生有臞仙吟館遺橐

花田

水苗初秀雨餘天極目蒼茫起暮煙一水綠環孤塔外數
峯青到夕陽邊風塵未厭彈長鋏行李何妨笑半肩誰識
苦吟江上客權歌聲裏過花田

朱炳清字小泉海鹽人諸生有碧琅玕館詩鈔晚翠樓

詩鈔

獨桑鼓歌

奇渥溫氏國祚銷赤眉銅馬如蝟毛壽輝文俊相繼沒士
誠友諒爭咆哮陳氏沔陽漁人子比似張氏尤虎視太平
城陷攻南昌連舟縱戰紛弓矢劉項不知誰得鹿此鼓逢
逢聲未死日月並行明主來俊傑搜羅文武材龍蟠虎踞
形勝定帝業乃自金陵開築牆必高儲粟廣渡江叱咤生
風雷維方與胡皆歸附至誠相與誰疑猜陳氏戰艦猶敢
拒蟻聚蜂屯血漂杵采石磯邊鵝鸛軍鄱陽湖上熊羆旅
螟蝗旣死留蝮蝎一葉扁舟匿煙渚沙蟲猿鶴軍不歸獨
留此鼓歸真主滄桑轉瞬年代更飢饉竄跡塵縱橫蓮界

深藏留舊物以桴擊之猶哀鳴月落空山發淒嘯煙寒古
寺埋精英鬼物撝呵煩守護祇恐仍引刀兵聲鏤金製牀
水晶漏豪華召禍天不宥釁血爛斑此鼓存閱盡興亡誰
共壽陳倉石鼓太廟前諸葛銅鼓棧道邊彼則遵法此垂
戒常伴沙衲年復年或謂此鼓本屬東吳物赤壁大戰聲
闐闐豈知代遠年湮不可考莫若明初所得傳無愆敗皮
敝網皆有用此鼓精藍共清供茫茫古物人推尊荒榛銅
狄知誰重夜深風雨來靈魂啾啾疑是嘯黃昏圍一丈餘
高三丈金粟古剎藏山門摩挲片刻游山頂松聲又作涼
濤喧

高炳麟字昭伯仁和人諸生有我盦遺稟

詩話昭伯幼損一目性穎慧爲詩文
皆學韓退之詩不多作以體弱早卒

禹陵詩

維年癸丑春二月我來會稽探禹穴乍看廟貌極巍峩松
柏森然動魂魄陰崖疑有鬼神護深澤或恐龍蛇出八年
自昔集輶櫟萬國於茲朝玉帛生前宮室制不崇葬後山
林無改列烏耘後世不可知三寸桐棺此遺跡俗儒小生
好傳會往往神奇騁其說金簡綠字競侈陳童律庚辰矜
創獲不感明德誇異聞罔識當年疏淪策遂令四載隨刊
功徒爲神仙飾鴻烈豈知禹貢紀方略不用山經紛詭譎
往者洪流徧中國下民昏墊何由釋帝咨岳牧驚懷襄天
顧蒸氓生聖哲北安冀兗載壺口南治荆揚過震澤九河
其濬九州同四海分流四隩宅迺因土地定征賦竟奠山
川免巢窟貢金鑄鼎罔兩避班師舞羽苗民格身成績用

取非余言四卷一百一
四
蠱終幹民盡謳歌世難絕東巡會稽事如昨祀典煌煌重
於越遐思終古此區宇經幾聖神爲計畫盤皇闕地媧補
天載筆荒唐賢者斥羲農軒轡遞相嬗禮樂兵刑漸增設
佃用耒耨漁網罟陸居棟宇水舟楫唐虞考績先五臣百
姓昭明萬邦協當時禹亦共賡颺獨錫元圭登北闕後來
湯武及周孔征誅筆削嚴斧鉞是皆功與妣王並天壤紛
紛留墓碣我生好古先此覽不覺涕零露窈石井渫山阿
永自深碑存亭畔猶無缺荒祠拜手獨歸去夕陽西下波
聲咽

曾諧字小石永嘉人諸生有小石詩鈔

雨後

秋在芭蕉上涼生枕簟間蟲聲繁似雨樹影黑疑山夜盡

鐙先炮蚊稀扇亦閒安身惟睡好及早掩松關

過白蓮塘作

老樹蕭疏咽暮蟬西郊無復舊人煙風清月曉橫塘路秋
夢依稀墮白蓮

高鼎字象一又字拙吾仁和人
有拙吾詩藁

懷李嘯雲

吳苑文章客餘溪落拓身一生惟愛酒萬語不言貧依隱
常安拙相交只率真記從分短袂又度兩重春

虛堂

虛堂獨自掩疏櫺久客天涯醉亦醒廿載江湖雙眼白五
更風雨一鐙青艱危已覺塵心淡魂夢猶驚戰血腥祇爲
深恩酬未得琴書何暇歎飄零

早行

一葉西風裏催程曙色微
水流殘夢急帆帶落星飛
宿鳥未離樹寒潮欲上磯
江湖無遠近莫問幾時歸

偶書

高樓人去碧天長
點點帆迎落日黃
敢冀舟中逢謝尚
漫勞市上識韓康
喪家畢竟非秦贅
憫世何曾是楚狂
二十年來尤守拙
白雲滄海總茫茫

秋宵懷湖上

蕭疏樹影過西牆
殘月溶溶到草堂
秋景最清尤在夜
客居雖好總懷鄉
延青水榭吟詩舫
飲淥山莊鬪酒場
一自孫盧蹂躪後
悲風燐火獻枯楊

姚陽元字舒堂歸安人有春草堂遺橐

游永樂寺

白雲圍野墅萬木抱珠宮
泉激林端雨樓吞天外風
梵餘清磬遠嘯徹暮山空
別有真禪味冥心月正中
袁振業字潤甫桐廬人有榆園雜興詩

和趙友農四丈獨釣

朝穿霧樹出晚度石橋迴
柳影魚方唼萍皺鷺忽開危躄
或有石標寄不名臺兼分藥苗
種時隨樵采來沾得村醪
醞歡迎穉子哈

賽開來字竹樓和州人有種竹軒詩草

鎮淮樓

鼓角重關地干戈百戰場
風雲挾淮泗兵火半齊梁
塔影摩空盡江流繞郭長
疏林看木落秋思入蒼茫

讀四溟山人集懷計甫草先生

眇目山翁謝四溟
鄴城風雨太飄零
黃金肯築詩人墓
見說吳江計改亭

春日病起送陳皋甫張小山之皖

絲雨霏霏日望庚
小窗吟苦句難成
人於久病偏愁冷
天爲衰齡特放晴
百歲光陰如過客
一年時節又清明
故人喜說皆強健
肯爲貧官到皖城

趙繼馨字花農太湖人有小有花竹軒詩鈔

和李海初殿撰田家小飲韻

曲曲池連屋中藏
太古民塵原無處
著俗是本來
瀉秋色無今古
深情孰主賓
家貧具樽酒
還勝舊醅醇

卅年爲一世人往
水流西舊是登臨地
新添菜麥畦
老翁

閒倚杖往事說無稽何限存亡感滄桑事不齊

陳雲章字亦昭合肥人有卧雲山館詩存

送王敬亭

學懋

攝六安校官並監茶稅

孝廉船舶不驚波閒愛衙齋長綠莎郭外軍機鐃吹曲山

中詩興採茶歌泮林花發官何冷親舍雲瞻路未多猶望

王曾酬大志文章有價重巍科

聞童晉侯店作詩已之

東牀風雨病羲之欲寫黃庭力不支祝爾從今須健飯龍

賓十二待臨池

贈趙若琴

君有連城璧磨礪偉器成襟懷觀物達肝膽照人明祕籍

金樓子良田玉帶生簡書猿鳥畏風雨幾經營

王尙辰字伯垣合肥人諸生有謙齋詩集

戊申春日游逍遙津

芳草滿汀洲繁花散遠疇野橋支曲徑急雨亂春流樹暗
聞嘯鳥波平看浴鷗柴門臨水近罷釣繫漁舟

龍江待風

纔別青谿第一程扁舟泊處晚潮生烏嘯老木霜無跡雁
渡寒江月有聲振觸鄉愁傾薄酒商量畫橐翦孤檠朝來
順水揚舫去兩岸青山遞送迎

七里河待渡

趁墟小聚岸沙邊渡口無人待放船附郭魚鮮爭入市傍
山水足早耕田嵐光破日沈花塢霜氣侵晨養麥天欲向
七門尋廟記囊中尙有拓碑錢

劉貢父有七門廟記

徐士怡字棣友石埭人有寄生山館詩贖

三多鎮對月感懷

迢迢數百里渺與故鄉隔已作江北人仍看江南月彼美
居一方亂後無消息共此嬋娟明恨少雙飛翼愁隨落葉
添心共孤鴻滅相思復相思徘徊淚盈臆

晚發京口

大江流不斷愁共暮潮生水激山皆走波翻月有聲亂離
朋輩少旅夜客心驚樂士知何處揚帆且北征
屠之連字雲洲孝感人有雪軒詩草

村居晚照

清溪村路繞落日入林斜暝色斂微樹春愁結晚花蔚深
藏鳥道幽僻隱人家更有閒居樂開樽醉月華

田維翰字西園號半翁漢陽人有子固齋詩存

詩話西園先世本上虞人後遷漢陽遂著籍焉幼失怙事母至孝粵匪亂起奉母歸浙治鄉團禦賊有名後歸漢陽治鱸政手訂淮綱鹽法輯要一書喜爲詩歌所至之處一時名士咸從之游

十月十四日夜泊荷葉洲對月有懷

譙鼓聲初動清光已滿天遙憐千里共尙欠一分圓隔岸誰家笛長江客夜船羈人當此夕觸緒未成眠

由七濠口至瓜步

片帆孤影出邗溝颯颯東風送客舟雲氣連山浮鐵甕蘆花繞岸過瓜洲江聲不盡當年恨霜信初傳此日秋況是妖氛猶未靖暮笳幽咽不勝愁

新居落成賦此自賀兼柬鏡仁

幾載江頭把釣竿煙波坐老石磯寒敢云狡兔營三窟且

學閒鷗占一灘出入有車彈鋏易棲遲無地立錐難鳩居
禾合誇元九不近蓬萊亦自安

汪昶字韻和漢陽人有柏井集

送楊利叔

象濟

東歸

自慨無交事事非故人又報動征騑黃花香後三秋老紅
葉聲中一棹歸鼙鼓東南民力竭風塵書劍壯心違可能
借我凌雲筆化作陽戈挽落暉
蕭王家仕字信甫監利人有形雲閣遺詩風光容嫩氣不
東黃記室

刀環龍雀醉頻看辛苦長征出塞彈上將軍中隨李牧貴
人門下作任安三春戰血憑鷗灑五夜鄉心逐雁寒陽羨
買田歸未得十年鴻爪徧江干

夏田題畫

樂游原上醉呼鷹雲擁將軍獵騎騰憑弔不堪還駐馬西風殘照漢家陵

兵書峽

誰將韜略鎖崎嶇風后軒皇籍有無但喜嵐光容蠟屐下求兵法悟陰符魚龍陣掩三巴路風雨靈飛六甲圖何似玉皇香案吏更探瓊笈上清都

鄭先樸字尺古號久惺長沙人諸生殉難有求是齋集

詩話久惺嗜古力學以養母不出倉卒授命善化賀仲肅序其詩集謂詩可以規人之所遇君詩有和平之響無志微噍殺之音宜其所遇皆坦途而卒及於難為不可解也

宋合雨後游嶽麓山

微雨如膏沐妝成嶽麓春碧霑楓葉嫩紅溼野花新帆影

辭家客書聲閉戶人自卑亭畔路游眺幾逡巡

讀韓詩

酒力如春風入眼能生花好書如故人相對宜擎茶醉讀
昌黎詩萬象莽無涯寶鼎留古字逼視驚聲牙清鏡寫物
形酷肖無舛差有時恣恢奇月黑鬼盈車有時出清新日
升天捲霞大巧反若拙夸目時尙奢儻有絃外音千古惟
一家

新晴出游

杜門不出惟看雨天地模糊水氣濃忽捲煙雲生霽色起
尋山水散愁容春回千嶂銅生綠日晃一溪金在鎔簞笠
滿原秧滿野果然久雨不妨農

黃仲騏字正夫郴州人諸生有醉山草堂詩集

黃水寨嶺

上山復下山踰險還入險潛踏巨鼇背跼步形神斂四圍
嵐嶺合一綫走崖广不識經過處炊煙幾萬點明明見高
峯飄忽雲際掩一曲復一重密蒙亂風颭最下光明界乃
見桃花嶼淨掃舊衣襟煙痕淡如染

暮歸

微雨溼涼煙暮色靄然至鐘聲出白雲知有雲中寺草根
亂蟲鳴列星森就位遠火照江村流螢忽如墜浩歌下煙
蘿一靜了萬類

黃維申字笏堂善化人諸生有報暉草堂詩集

寄別家莘夫兄

君昔豫章去今吾皖道游共成千里別各抱百年憂落落

江湖感飄飄身世浮賞音何處是楚水自東流

次韻孫壽朋感懷之作

青衫寥落十年身始信窮通本夙因詩興每從愁裏發人
情惟有醉時真事當失意才知命話到無言更愴神畢竟
詩書非誤我歧途偏得賞心人

偕丁味齋二尹登太平城內荒亭

落日閉重關荒亭此共攀一城餘白骨四面見青山破屋
無人到深林有鳥還家鄉何處是搔首暮雲間

劉秉莖字敦山萬縣人

答杜唐佺訊蔣吉亭所贈鐵笛次韻

六州之鐵不鑄錯錚錚蔣生人中豪治鐵鑿孔作橫吹鳴
之嗚嗚山月高粉黥丹黥易此笛從茲當廢蘄州竹小杜

作詩問詭譎涼吹漢部將安屬
麟發箏琶皆凡響羌管修
長此獨縮律中黃鐘絛澆竭
來爲君歌一曲水龍吟罷
海天青湘靈一奏蘅蕪綠
那無勞叨咎山鬼只合賞
音索木客不然獨洗耳塵
清一聲吹裂山頭石

無人雨

十日愁霖不出村溪煙山霧
晝長昏木綿積雨多辭樹
水氣如雲欲到門無復故
人話朝夕偶從田父牧雞
豚舍南
賸有羣鷗至極目荒塍滿
稻孫

羅廷琛字蓮谿南海人有誦芬堂詩草

野眺

春水參差漲野塘低田三月始分秧
疏疏看過醅醪雨曲
曲行隨薜荔牆深樹鳴鳩桑甚紫
午風團蝶菜花黃石橋

邇池村西路時有人家煮繭香

黎兆熙字仲咸遵義人監生有野茶岡人吟藁

巴東夜泊

臘日辭家長作客高歌獨對寒天碧獵獵江風吹破裘愁
共波高一千尺牛口灘頭霜月明秋風亭下暮濤生危檣
夜泊巴東縣聽盡哀猿冷雁聲

金陵別方仲堅

凝

秣陵三月路如何料峭東風捲白波早趁寒潮別君去過
江煙柳雨絲多

王汝霖字澤民襄安人諸生有鹿仙吟草

詩話澤民至孝胡文忠嘗榜其廬
詩多數漢魏樂府近體亦雋雅

河池州

晚晴移詩匯卷一百六十一目錄

許庚身 一首

朱迥然 一首

謝維藩 五首

馬丕瑤 一首

吳鴻恩 一首

平步青 二首

仇炳台 一首

袁保齡 三首

劉鳳紀 四首

陳昌年 二首

吳重熹 十二首

朱雋瀛 七首

勞乃寬 四首

周長庚 四首

丁謙 四首

田延年 五首

張祖同 十一首

黃體芳 六首

許振禱 十六首

李嘉樂 二首

趙國華 十七首

許玉琢 六首

丁蓉綬 二首

朱鑑成 一首

沈昌宇 七首

黃燾 六首

黃燾 六首

丁蕙 四首

田致平 正首

幾氏 四首

周吳 四首

吳重憲 十二首

吳重憲 十首

隆鳳珠 四首

刺昌 二首

沈佩合 一首

袁碧 三首

吳德恩 一首

平水 二首

備錄 五首

溫玉 一首

符夷 一首

朱彭 一首

謝慈 詩匯卷一百六十一目錄

晚晴蓊詩匯卷一百六十一

徐世昌

許庚身字星叔錢塘人同治壬戌進士由中書官至兵

部尙書太子少保諡恭慎

詩話恭慎師為文恪公猶子相傳當文恪公長夏官時有術士相其先墓言當再出一兵部尙書至恭慎師而驗師由中書久直樞垣以謹密受知中興詔書多出其手游陟正卿未離政地余昔在詞館嘗從請謁其門如水易名以執事堅固小心敬畏為義稱其素行也

題文恪公送楊邁公中丞還朝詩冊

三年膏雨頌聲馳敬展先臣述德詩故里尙留何武愛前
徽兼觸阮咸思淵源累世龍門遠清白相傳燕翼貽東魯
好修循吏傳紹承闕闕佐明時

朱迨然字肯夫號味蓮餘姚人同治壬戌進士改庶吉

士授編修歷官詹事

渡汨羅江

行盡沅湘路征驂又汨羅淺沙猶擁渡流水自生波古戍
明楓橘餘香歇芰荷中流漁父過不敢扣舷歌

謝維藩字翊天號麀伯又號振士巴陵人同治壬戌進

士改庶吉士授編修有雪青閣集

詩話麀伯湘人而生長秦中得西北高壯蒼涼之氣
詩宗法少陵集中皆思親懷友憫亂傷離之作麀伯
早入承明屢司文柄顧一掃當時館閣
輒美之習可謂能自振拔者矣

送王柳坪比部式言出塞

拂天花雨停金樽輪臺萬里風雲昏故人佩劍將西征青
絲絡馬咸陽津咸陽楊柳玉關雪美人如花馬如血氈廬
絃管迴春風廢磧骷髏照寒月吁嗟窮臣出塞古所悲辭

隔天日來荒陲不遑將母瘁王事側身掩涕今何時中原
年來疲撻伐野番窺邊時竊發戰士飢搜黑水魚將軍勇
墮天山鵲願君袖石奠崑崙他年待君神武門

懷慶道中

王屋風煙捲客旌覃懷古道接漳衡兩餘萬木綠成海戰
後新苔紅上城四國金湯推健壘連村刀劍誤春耕眼前
擊檝波如砥南下河流慨不平

勞生

野色起平陰蒼然萬里心勞生感行役吾道托孤吟華嶽
歸雲迴茅津落日深拊膺思骨肉欲語重沾襟

送王斗坪同年霖之榆林

吹笛山樓秋月清故人匹馬向邊城木蘭東去瞻天近莫

作尋常出塞聲

野人送菜感賦

僦室邇菜圃寒綠侵書樓歲除饋盈把野人意綢繆苦言
今冬冷地凍菜不稠強能飽妻子天賜固已優城外兵過
地千家但空疇搜括及筐篚何能問秋收盜賊所未屠餓
死骨滿溝主兵匪不嚴耳目誠難周連營壓漢水笙歌進
珍羞朝廷方用兵小民何敢尤述罷歎息去輟食淚雨流
馬丕瑤字玉山安陽人同治壬戌進士官至廣東巡撫
有珠溪存稟

題李劍秋大令勸農圖

催科不擾政刑清雨後來聽叱犢聲綠野無邊生意滿杏
花香裏看春耕

吳鴻恩字澤民號春海銅梁人同治壬戌進士改庶吉

士授編修歷官山西冀甯道署布政使

詩話咸同之際京朝官以四書文擅名者陽湖朱雪
暉侍郎儀訓江陰陳子惠農部榮紹及春海為最門
弟子皆極盛初有登瀛社朱陳二君主之其後春海
設觀善堂集課與山陰傅子蕪戎部鍾麟迭王之至
光緒中長白錫之都護豫師又設會輔堂其時風氣
漸變無復曩時之盛春海官御史屢上封事出守甯
武有政聲非僅以制舉文字為長也

重九龍巖登高

纔報蘭秋又菊秋重陽重到藿川游亭高風急鳴蟬翼巖
古雲生傍馬頭祭野彌增霜露感催租漫作稻梁謀故鄉
山好難為別人去還因桂樹留

平步青字景孫號棟山又號侶霞浙江山陰人同治壬
戌進士歷官江西糧道有越吟殘草

詩話景孫官翰林入直上書房勤於纂述有國朝館
選爵里證法攷續三卷兩書房諸臣攷略各二卷大
考翰詹攷略一卷皆有裨玉堂掌故及出任江西糧
道月必倩人購書於都中厥肆為攷訂之用歸里後
杜門謝客一意著書橐本甚富身後其家視作祕笈
絕不示人有手訂香雪庵叢書二十種皆非所經意
者存詩無多
吐屬名雋

春日游青藤書屋登孕山樓謁天池先生像賦贈閑

谷

瑤宮小謫飛仙人餐霞飲灑游凡塵騎鯨一去三百載夕
陽老屋青藤存十年夢想不得到一朝假館逢陳遵春晴
岸幘肅客入犖确怪石紛橫陳綠陰一徑入深處古藤十
丈蟠高垣枝柯攫天瘦蛟舞時共風雨相飛奔清池一勺
活不涸乃是天漢之分源歲久豈無蟄龍睡儵游不敢投
絲綸舉首突兀覩庭柱摩挲臄墨無磨磷大書深鑿見筆

力倔强欲與藤篾掀登樓鞠臙謁遺像畫圖肅肅來精魂
開窗四顧萬山入咫尺包孕迷朝昏想見當時抱膝坐論
兵慷慨烏角巾酒酣不識督師貴短兵狹路非其倫先生
亦一諸生耳乃能籌海除奸民徐汪先後同受馘奇功不
讓樓船軍惜乎才大不竟用山人擯落同茂秦後公而生
歎公遇咄哉弄斧班輪門外夏國

詩巢懷古

輶軒古不入於越三百之內無篇章山川磅礴毓奇傑詞
壇大振扶輿光後人好古事搜討邦賢一瓣追心香秋水
長天閣云圮崇祠復建龍山岡大書揭藜六君子賀秦方
陸偕徐楊祕監夢寤忽不樂疏乞道士東還鄉酒肆謫仙
人把臂四明狂客胡云狂處士偏師揭竿起眼底頗欲無

文房幽棲剡曲事漁釣隱逸姓氏馨三唐元英先生老不
第補唇已矣頽顏蒼配食嚴陵謝晞髮擊竹如意同悲涼
論忠獨許渭南伯少陵每飲君不忘南園作記亦忠告何
至比黨韓師王鐵厓樂府有奇氣如出金石聲鏗鏘三史
書法待裁定正統論息諸蝸蟾天池山人稱後勁嘉隆僞
體掃粃糠妄庸巨子競樹幟闕編頽首袁中郎千山萬壑
風雅窟豈無健者紛登場代更四姓禩七百六君子外誰
抗行我來弔古事展拜匠門弄斧慚登堂斯人代興有正
派恨無妙手圖西江泊鷗吟社亦漸盡春秋享祀誰烝嘗
西園遺址久衰草殘碑剝蝕埋夕陽主持大雅望來哲斯
人不作心蒼茫

仇炳合字竹屏婁縣人同治壬戌進士改庶吉士有笏

東草堂詩集

日本刀歌和張叔未韻

筆鋒出匣如寶刀文光騰蹕層雲高星芒欲動忽不動胸
中鬱鬱龍豹韜先生讀書意不得投筆空嗟時事亟男兒
五十手無柯夜半長吟誓報國誰歟索地思弄武不識中
朝有尙父腰間久佩日本刀酒酣拔地爲君舞使星朗映
風忽狂狂風吹折青琳琅胡爲割地出下策毋乃未見刀
吐光此刀百鍊堪一試海外陳師請從事貔虎能揚大國
威豕狼豕戢窺邊志笏溪今日酒尊開歌辭慷慨有餘哀
刀光如雪雪花落會看直上凌煙臺

袁保齡字子久項城人同治壬戌舉人恩廕內閣中書
歷官直隸候補道贈內閣學士

詩話子久爲端敏公次子佐治海防督旅順船塢工程經營朝鮮頗有建白詩有忱爽之氣

王申春卒成酬吉田

少小讀文史卓犖輕常儒悠悠三十載歲月忽已徂朝隨
金馬仗暮窺天祿書簿領得餘暇詩酒追朋徒高歌梁父
吟醉擊處仲壺持此耗雄心優游聊自娛沈侯曠世才早
棄終童繻拂拭到燕石投贈分瓊琚天葩耀奇采開函驚
喜俱矯矯一西望佇立以踟躕伯兄事長征數稔治軍儲
與君同袍澤驂靳時相須遙遙賀蘭山戰血方模糊三邊
苦鳴鏑萬里勞飛芻何日蕩逋寇策勳青紫紆君來一握
手共醉城南隅

和朝鮮使趙藹石詩步韻

鳳翽高岡鶴在陰名賢邂逅喜推襟相期戮力千秋事不

負論交萬里心聞闔正開天
詆蕩滄濱遙望海重深願君
龜勉崇明德僑札風流又見今

行經邯鄲

爲蜨爲周作是觀又來無夢過邯鄲
百年勲業歸蝸角千古文章笑鼠肝
勉在倫常守兢業敢云擔荷怕艱難
神仙本不離忠孝未許忘情一例看

劉鳳紀號竹雲南城人同治壬戌補行
咸豐戊午舉人歷官賓州知州有籀雲
仙館詩詞集

月夜閒步

呼吸直通天星晨落眼前鐘聲隨月
度鈴韻抱風圓筆墨餘生老頭顱故
國緣還家如有夢鄭重五更眠

將抵建郡

明詩卷一百一十一
六
興中忽聽建昌音此日還鄉百慮侵衣紫已虛今世望焚
黃莫慰九原心窮愁恨逐風前起感憤詩從月下吟曾是
兒時游弔處茫茫煙水渺難尋

烽火移家各一方他鄉翻覺勝家鄉昔年奔走同辛苦此
日親朋半死亡孰肯預爲身後計那堪回憶少年場繁華
歷盡風情減況復蒼蒼兩鬢霜

晚眺

何處蒲牢送夕暉一聲催得老僧歸隨身不必游龍恃薄
暮猶多野馬飛枯樹含生仍寂寂墟煙將散故依依風光
畢竟江南好二月春深試袷衣

陳昌年字齡昉一字菱舫吳縣人同治壬戌舉人官戶

部郎中有清溪草堂詩集

卽事

秋風秋雨滿重城難奪清閒冷客情幾翦幽蘭詩骨瘦一
甌香茗酒腸清偶留好友商棋陣愛讀奇書論墨兵小閣
鐙檠挑欲爇滿庭風露又三更

四月初八日

春色隨人類轉蓬峭寒天氣尙東風梅陰子密遮樓翠藥
檻花飛壓草紅催促丁年愁隙影消磨卯飲費詩功怪他
雛燕無離思鎮日呢喃小閣中

吳重熹字仲澤山東海豐人同治壬戌舉人官至河南

巡撫有石蓮閣集

詩話仲澤侍郎為子菘閣學之子濡染家風博物好
古為潘文勤所識拔學派沈澹光緒中山左鑒藏家
甲於海內而海豐吳氏與濰縣陳氏福山王氏稱鼎
足侍郎名位差顯又享大年滄桑之後歸然魯靈光

明齋詩話卷一百六十一
矣詩派出於覃溪論古諸篇賅洽醇雅他作亦藻韻兼具不愧學人之詩

送文信國公鐵如意歌

嗚乎信國公從容殉大節於今五百八十年遺澤猶留一
鉤鐵鐵背銘詞鐫六字曰聖瑞文天祥制詩僧搨墨共流
傳我觀公物見公志公昔生也兆紫雲公及冠也擢狀元
公旣相也宋已去公之死也未五旬烏金一握思風度山
河半壁憑分付賜字新鐫柄上銘知是登科年後鑄我聞
公性初豪華唾壺或以和箏琶又聞公也自貶抑軍中或
佐指揮意自從眞州夜走空坑敗悲涼柴市銘衣帶擊節
高吟正氣歌遺器遺文同百代吁嗟乎物之顯晦信有時
公之遺愛今在茲雲孫小印玉帶硯枯桐尾勒青原詩乃
知物以人重同不朽足與齊簡狐筆良椎武節千秋垂晞

髮參軍公知已琅玕一握恰好相追隨惜哉象奕圖譜四十局竟隨玉層埋蒿萊嘗將臣節論忠義明季差堪儕宋季鐵工輸與張鼇春姓名猶得傳附驥嗚呼兩公如意從此留人間藝林歌詠成嘉事有宋一代文信國有明一代趙忠毅

勞山白雲洞

千松萬松何離奇千石萬石何纍垂松尋石罅逞天矯石凌松上爭屣屨主峯一石最奇崛俯首乃受松之欺直據其巔監其腦蒼髯恣肆鱗之而左軒一石勢崩剝蛟背如立湘妃危右伏一石於菟卧不甘帖耳形彬彬兩株鳴腳那肯讓騰空四散青珊枝道人何年覲天奧梯以石棧支以移陰崖不借鬼斧劈竄突應是天工施門前雙峯屹相

向嶄如頭角真嶷嶷滄溟萬里瀉瀆洞直來腳底如奔馳
我當重九命山屨杖藜猶待人扶持骨酸趾繭乃得到冥
搜不覺忘辛疲西峯虧蔽日易落結璘早射長空輝銀鱗
倒倦雲萬疊謾謾時有西風吹爲我送雲東海去好教雞
唱看朝曦

華巖菴

天風海水聲刁騷忽聞細籟吟笙匏路轉山腰入山腹萬
竿鳳尾縈脩脩鑿幽絕險拓此徑幽菴乃結峯巔茅寺門
那許世人識籜龍鞭起圍週遭青霞斜截斷厓腳綠雲密
補虛巖坳槐龍對盤勢拏攫級盡乃叩禪關遙地僻儘多
花木趣秋深紅紫紛僧寮籃輿纔歇涼雨至四山如沸滄
溟潮我聞二勞勝非一此山此竹應翹翹春雷怒迸蟄地

筍秋風齊掃干雲梢昔訪桃源武陵境幽谷趣與篔簹僂
二十年來繫心目舊懷新賞同相撩鬢絲禪榻感變易夜
窗怕聽聲蕭蕭已知食肉素無相禪有玉版吾將逃

釣龍磯

大石逆波波驟驚驚波撲石石能鳴銳石劍鋒平石砥矗
石壁立圓石巒陂陀石作斜下坂脊露石如高建瓴波來
那論容與否一氣激宕無休停前波方逆後波退後波又
擁前波行高波直越矮波過立波乃壓橫波生奪罅疾如
箭脫筈散溜紛若檐懸繩衝突迅具奔馬勢洄渦圓轉旋
螺形銀濤密濺飛雨射赭岸怒走晴雷轟初疑九天落欵
唾齊迸十萬珠璣瑩又疑千年不化雪颶風迴舞來滄溟
鐵弩不退組練白冰花倒噴魚龍腥自我入山卽傍海斜

陽萬里波濤晴去時曾立磯頭望島嶼遙接帆檣輕回時
纔入湖海底喧豗卽異前番聽此夕正當月之望圓靈如
鏡東南明再向磯頭立縹緲耳目眩亂身疑傾我想子丑
開闢會山腳尙有山尖橫自從洪水盡歸海瀕洞乃與峯
巒平名山豈甘沒波底頭角各欲分崢嶸天吳海若不相
下故以搏擊成紛爭金波激灩那得渡幾回惆悵移鼉更
仙人空說釣龍去水底時有龍吟聲

西漢綏和雁足鐙歌

長定宮中黃葉秋大司馬用新都侯涓于賂敗曲陽去咸
陽王業彫潛謀是年孝成祚欲盡建元七改儀容修君王
心不化明燭但照宮館羅紈愁鴻嘉以來隆內寵陽阿禍
水傾炎劉是鐙綏和改元鑄相掾丞合名雕鏤不及班姬

照輦道銅沓祇映金塗浮慵來裝點石華裛紅搖春影椒
牆留赤鳳歌殘燦歸路綠熊席暝輝香篝漢宮奢麗那得
見眼界輸與殘檠優史傳孝宣精器械元成以降難追求
建昭竟甯兩雁足乾嘉老輩爭吟謳此鐙後出幸快覩生
晚不抱昌黎憂信都食官建始造臨虞萬歲元延鏤余家
高鐙亦永始三朝較量俱無儔未隨陽朔例頒賜棄擲得
免漸臺陬嘗將古今論興廢始凝須作冰霜籌桓靈先短
漢獻祚熙甯早翦徽欽庠西京元氣蹶此命哀平薄佑將
何尤蠅聲紫色託官禮九錫遂欲唐虞侔一朝事關九廟
重美新致累揚雲羞閱歷殘鐙泣風雨坐對缸粟如懸疣

莒小子雙毀詩三十六韻

國僑昔使晉賜莒二方鼎重器古所貴況兼駢以整我觀

傳紀間所載亦井井紀甌齊賄珍襄鐘鄭賂詞壽夢與甲
父郃舒文互省寶鼎雖不一奇偶勢殊等偉哉莒國器至
今餘炯炯二鼎雖已淪雙殷乃猶併文曰莒小子萬年寶
用永徙家弗受文佐祝文考鯁同質非殊范一文乃異皿
紋迴雲點黑班留苔翠冷枵腹略類瓠象圓欲說餅彎環
形抱珥樸素義尙褻黜若髹點漆澤比金出鑛先子寶其
一珍重如搢珽常念延津劍何日得合並李丈念兩美不
合心終耿連城乃歸趙商於不欺郢瑞若聯珠璧斷豈續
頸脛遂使千載下藝苑快雄騁嘗攷莒世次略可得其梗
茲平及郊公七主生非挺獲孥季友歸出僕行父請務婁
及滅明奔執不自拯密鄆城恃陋防茲地非迴蝸角國難
爲強鄰況壓境豈類漢孝宣技巧夙精警乃與所制器今

古同彪炳什襲重綈錦裝潢斲檀癭非獨虞壺儷直與齊
罍逞子產號博物晉賜始管領我不黃熊辨兩器乃獨秉
眾金同紛羅譬若囊出穎離合千百年蒼萃乃俄頃摩挲
發古思作歌志深幸

陶城堡

推篷日對水潺潺沙鳥風帆自往還東望數峯青撲面不
殊江上六朝山

萇宏墓

西去麻鞋謁至尊烽煙何日靖中原故人盡節難迴首怕
過萇宏化碧村

和韜叟歸耕釜麓出都感賦元韻

江水茫茫山色蒼昔年行役又同行六千猿鶴悲君子八

百桑株學武鄉略仿買田蘇玉局相偕歸隱孟襄陽也如
鸚鵡前頭意雲樹無言但淚浪

伊人露白更葭蒼賓雁俄看起一行共歎崦嵫新歲月幸
聯桑梓舊家鄉詩人歷下推庭實野語齊東署弁陽說我
故園者宿事風流文達記滄浪

淵靜用韜叟韻贈詩依韻奉和

湘纍何計問穹蒼雨雪其吁攜手行詎有南樓風月興且
尋東郭水雲鄉前年紅樹游蕭寺此際黃昏是夕陽誰是
濯纓誰濯足各將心境取滄浪

唐拓武梁祠畫象殘冊爲李一山題

古今以來推畫手椎輪始自東西京自從齊魯逮巴蜀前
人箸錄垂典型元嘉元年武氏石天水以後蒿萊平歷金

元明乃復出百六二象猶發劔此圖僅存十四幅唐時舊

拓傳溪藤憶十一齡戊申歲大梁隨宦曾眼經越七十載

歲戊午我八十一重開滕雖經崑燄火不盡古香古色仍

奔騰繭理賦若截肪細麝煤重比沈雲崩國初題自朱查

手小石帆亭集大成竹垞山舟各七一尙書梁公八旬盈

雪疆持贈秋奩手聲價直許同連城東洲月齋兩鉅製後

有作者難抗衡惜哉陳壽老王文敏兩巨眼墨緣未得傳

風鐙近人重搜獲一石氈蠟畫靜聞登登嗾燹晉主激宣

孟知興賢母咨王陵擊磬有心來何蕢節義杵臼兼程嬰

地不愛寶並世出紫雲山色增崢嶸我聞文翁高眎張收

作石室帝王聖哲摹畫無不精沈作誥寓簡王逸少帖云

漢太守張收畫三皇五帝三代君臣與仲尼七十弟子畫皆精妙可觀至今跡相不得見孝

明詩話卷一百六十一
三
堂郭巨三十留題名其餘東麟西爪互顯露太尉沛相述
敘文清明馮緄六玉丁房峙雙闕李翁五瑞澠池尤著名
此圖七聖一暴四孝子俯視他象只如中下乘家臧武梁
題字如隸釋小蓬萊閣注字明珠瑩白樓先生昔贈先閣
部慘遭劫火此竟逃天刑李唐至今一千有餘載得見祖
本眼福還相矜昭陵六馬道子佛唐畫當時知服膺蔡家
有鄰韓擇木唐隸當時應稟承復齋款識並入仲安室行
齋二妙文字今猶馨前人歌詩已窮精奧義賤子附尾鑽
紙如凍蠅

朱雋瀛字芷青大興人同治壬戌舉人歷官河南知府
有金粟山房詩鈔續鈔佛岡宦轍詩汴游冰玉橐周
濱集陳州集素園晚橐上瑞堂集

詩話芷青官成均三十年光緒癸卯後宦粵宦豫隨
地有詩以名其集辛酉鄉舉周甲取御書藝林上瑞

語類所作日上瑞堂集其詩序隱以放翁自況讀放翁詩集有云千古吾鄉詩事重鏡湖一老壓中唐蓋正青先世固越人也

答李萼客農部 慈銘 見懷

一篇勞贈我疎磊見襟期醉與白雲契吟惟芳草知世事
慨如許古人交似誰鑑湖朱處士深荷李頎詩

廣王維西施詠

多少蛾眉去吳宮顰未伸不知嘗膽輩可念捧心人

與客論詩示二絕句

洲翻鸚鵡競奇新聞詠於今亦少真縱使雄才推一世不
關情性豈詩人

偶隨人境寫悲愉時代遷流體格殊我有真情浩如海滄
桑萬變不能枯

王子獻同年 繼香 權河南府篆未接任旋省卒於差

次距余來汴不數月也客偶談及愴懷舊好輒成

長句

玉堂美人來大梁翠蘊下闌蓬壺香風雅粉澤似前代再
覩睢渙呈文章內史長才迥清異卧閣猶堪理羣治朱輪
紫馬何紛紜坐使鸞皇不一試多情好古兩相憐竹里筒
貽過百箋祇今伊水仍東注子晉歛笙何處邊金薤琳瑯
稱世寶 所著金石錄最夥 鏡湖待訪叢殘稟我來梁苑亦枝官為
愴君遊乞歸早墨如果蛻君其仙歌期君聞情浩浩 君有墨蛻
圖又自鑄小印
日梁苑枝官

閒遣

菴菜叢中自葆真懶從詹尹問前因老將及耄甯爭智生

本多憂任賀貧恥效縱橫欺世輩甘爲勤苦授經人握蘭
總受皇天眷背道儒冠誤此身

劫灰幾度閱人寰尙戀觚棱住此間養少青田憐鶴瘦封
辭碧海樂鷗閒儘堪比擬聲嘶叟無復逍遙供奉班太息
時流厭常道競隨徐市訪仙山

勞乃寬字偶庵桐鄉人同治壬戌舉人江蘇候補知府

詩話偶庵王初兄也篤厚勤吏事初官北河爲大名
同知舉菱櫂竹數載勤勞晚乃改官吳中未及版授
而卒詩無專集惟其赴官蘇州時與王初
酬唱合刻爲歸棹墳簾皆七言絕句也

南還示王初

機雲入洛舊齊名倦鳥思還約耦耕願爾早將塵鞅脫一
帆逐我闔閭城

還嘉興視王初疾

白頭兄弟話燈前舊事依稀記昔年怕上芝橋橋上望山
邱華屋倍淒然

宏文館外少人行寂寞門闌碧蘚生記得白袍如鵠立滿
身風露聽呼名

楊柳灣頭噪晚鴉金陀故里夕陽斜莊嚴獨有精嚴寺卻
少牆陰梓樹花

周長庚字莘仲侯官人同治壬戌舉人官彰化教諭有
周教諭遺詩

贈林琴南孝廉

柴門平掌練波流斫膾淋池尺幅收瘴海才名珊網老華
年肝膽劍花秋濤頭哀角寒詩夢劫外殘烽照杞憂淒斷
濂江新樂府西風吹淚滿南州

玉山

在番社人迹不到筍輿過諸羅望之若一片白玉橫出羣岫間或以爲積雪也

玉山在天不在地山半隕雲盡下墜雲氣阻塞人不前護此太古未破天水玉磊砢堆山巔山色一白全化煙或云此山寒冰穴壓盡盤古以前雪義和鞭凍輪不熱坤維脈與太陰結太陰所固日無功寒氣一束東海東世人不知呼作玉幾人親插峯頭足

火山

在諸羅東十餘里

火維眾山插天險天半熊熊起烈燄火光所觸金鐵流陽氣鬱勃燔炎州雪威不到滕六死天地長夏無冬秋或如金釭挂天半燭龍銜燭照銀漢或如野燒橫秋空天吹不動海底風飛光上騰影倒射萬壑一色作奇赤有時石罅濺沸泉一噴一吸泉生煙響泉自噴火自爆火水爭穴互

相搏生硝黑氣烘馬牙坐恐癡臺坤軸灼當年補石天齟齬宗動擲下洪鈞鑪陰陽餘炭煽未熄照見滿海紅珊瑚

臺北稻江樓和友人韻

際天黑箐墜斜曛龍氣騰空作火雲山勢百支垂海盡江流雙派到樓分豪游有約青絲鞞韻事無心白練裙欲作逢場竿木戲媿隅蠻語笑參軍

丁謙字益甫岷縣人同治壬戌舉人官象山教諭有寄

鷗居詩

詩話益甫精輿地所著曰小蓬萊閣叢鈔於歷代史書西北地名證以今時中外輿圖確鑿可據多訂前人疏誤詩不

幽居

幽居忽不樂遠游南山岑山光迎暮靄歸鳥皆投林皎皎

澗上松風過聞遠音泠泠澗中水浣我塵世襟山鶴有閒
意山鹿多野心曠然一相對機械何從侵靜境觸斯悟幽
念息逾深安知太古上非復如當今請從彭澤公一撫無
絃琴

種竹得幽趣種蘭有幽芬孤懷澹相寄非期世所聞東鄰
有隱士灑然離俗氛朝夕過我游結契連風雲贈君流黃
機報我蜀錦紋錦紋織奇字密意通殷勤殷勤那敢負誓
絕猶與薰春花與春草向榮各欣欣相期共樽酒薄醉眠
斜曛

刺促行

刺促復刺促人生百年鳥過目前有一樽酒後有一叢菊
把菊飲酒安事役役迷陽生途行且傷足山多虎豹水多

蝮時時飛而食人肉請看東門悲牽犬何如生來抱黃犢

題夏閏枝青鐙有味圖

至文肇六籍洙泗執樞紐魯論四教垂文實居其首天地
雖廣大萬物雖繁茂厥理靡不包一一資析剖譬如城門
軌萬馬此輻輳自遭秦坑焚漢興葺殘漏訛謬日漸增糠
秕遂雜糅厥後流益分笙簧百家奏經史子集區金石梨
棗壽儒者生近今簡冊如山阜區區兩目力詎易徧尋究
又況是非間錯互眩妍醜出主或入奴輸攻而墨守誰能
折其中轆轤辨紛糾夙昔有志斯披誦就窗牖熒然夜一
檠不覺柄移斗所嗟識趣卑衣食復奔走所學無一成蹉
跎竟誰咎閏兄勸學人翩翩紹華胄擘摩日不遑未恃得
天厚我時共折證懸河資辯口醴然心得言豈屑拾牙後

示我青鐙圖小冊怡藏袖開帙肖清神夜景亦深秀梧桐
 三兩株竦立秋光候蕭蕭竹幾叢掩映茅亭右斗室煜孤
 鐙書外百無有恍聞金石聲琅琅激林藪我時將南旋惜
 別同心友敬當臨歧言得勿附瓊玖相期各努力業成致
 不朽此味殊酸鹹知音果誰某還擬問銅荷歷歷心領否
 田延年字友義渾源人同治壬戌舉人官長子訓導有

希達齋存藁

詩話友義幼敏悟初為試律以天寒落日淡孤村為
 題得句云樹影上牆枯壑師賞之謂他日必以詩名
 晚為校官乃專意為詩以高遠夫五十能詩自況因
 顏所居日希達齋論詩以爲有惑斯動萬有不齊一
 言以蔽日真而已故其所作權奇磊落必自胸臆中
 出令子子琮應璜爲山西合德堂高材生王枚臣學
 使及屠梅君陳伯平諸君皆
 深器之蓋得於庭誥深也

卮言

明臨終言匯卷一百六十一
殘月如垂鉤潛鱗罷遊戲新月如張弓征鴻側身避蟾兔
本無心魚雁胡多事信從海上來書自雲中寄拆書復見
信就中有深意上言疑其形下言畏其勢

夏蟲難語冰井蛙難語海是固習之偏無乃性不改天地
一何寬嗜好非一端唐虞相授受巢許樂考槃武周仁人
粟夷齊乃不餐居身貴特立處世貴達觀所以古聖賢不
強人所難

己卯重陽前五日題許村雙松寺後禪壁

二十年來此地違舊時樓閣尙崔巍喬松千尺白雲挂法
鼓一聲黃葉飛拾穗亂聞村婦語敲門仍識老僧歸西風
刮面驚霜肅惆悵窮簷未授衣

健婦打虎行

婦爲吾郡南山人姓氏無考里人傳其
軼事如此予懼其久而弗彰也因作詩

以記
之

林深月黑風撼山健婦乳兒茅屋間虎聽兒唬奪門入虎
入風迴門自關健婦見虎膽如斗手擲小兒姑向後急取
鑪中未燼薪帶火狂呼驅虎走人既抽薪虎欲啞轉身一
揮鷹隼疾毛焦肉灼氣已衰爭奈門關不得出大吼一聲
天地秋人來虎往不能休舉薪亂擊虎狂躍滿室紅飛火
繡毬夫從外至疑有寇見虎猶疑他野獸虎趁門開逸且
奔婦幾一蹶不可救吁嗟乎健婦雖健婦人耳胡爲彊梁
遂至此此時健婦知有子知有子虎可制見虎時騎虎勢

登大行絕頂

突兀壓神州蒼茫據上游羣山皆北向沁水自南流地遠
三川見天晴萬木秋故鄉在何處回首白雲浮

張祖同字雨珊長沙人同治壬戌舉人有湘雨樓詩鈔

詩話雨珊工填詞瓣香片玉葵園選湖外六家詞雨珊其一也餘事爲詩與弟洽秋齊名湘雨嶽雲並爲時重其詩以杜爲歸兼涉韓蘇之勝惜所傳不多蓋專精倚聲略存梗概而已

小孤山

潯陽之水分九派匯入大海流洶洶彭郎磯下忽一折小
孤屹立森當中天門閭闔影詖蕩倚傍謝絕蓬萊峯江山
半壁阨天險萬壑帖伏不敢東我來正見白日墮石級百
仞愁難窮山神拱揖若相告昔歲兵革殊怱怱敵人何由
據要害豈有飛渡無交攻先聲從來貴奪隘誓死併力臨
其衝樓船蔽水箭滿眼彭公颯爽人中龍巨雷翻空烈火
沸晝夜但見江光紅撼山山動賊盡潰黑雲摧拉天無容
出師以來數百戰湘軍此舉成大功吳頭楚尾固筦鑰腹

背自與淮淝通自從江南殄殘賊長鯨敢作洪濤風浮雲
朝暮互起滅太息尙有南飛鴻移山疊浪挂帆席隱隱聽
打寒煙鐘

揚子江

十年烽火金山寺孤棹蒲帆鐵甕城日暮魚龍紛出沒雲
邊鶴雀自飛鳴江流萬古無歸日野沒千村有哭聲幾處
樓船笳鼓動極天風浪一傷情

夜泊螺山大雨不克謁王子壽丈悵然賦詩

邁園咫尺隔惆悵客裏輕舟泊洞庭獨夜雁歸天漠漠孤
洲風急雨冥冥別來魂夢江湖闊老至詩歌涕淚零清曉
推篷一回首楚天猶近少微星

葛岳喬自晉入都客中見訪因贈以詩

晚晴移詩匯卷一百六十一
九
離憂七載忽相見急問萍蹤意苦辛上黨地爲天下脊王
郎哥屬眼中人不堪歧路憐詞客且喜他鄉奉老親幸際
聖明須努力天涯慙愧一儒巾

九華山

長風縹渺赴瀛海吹落數朵青蓮花孤舟雪盡正東下雲
外玉屏張九華天低積鐵壁孤倚梯石橫嵌蹋龍尾豫樟
十抱翻回飈俊骨無聲半空起傳言靈氣鍾盤陀上寺下
寺雲嵯峨玉京羣帝白晝下亦應旌旗相蕩摩卻瞻齊山
渺難識洞天卅二無顏色虎豹噤聲林木盡兵戈世外仍
消息日夜山邊走怒潮荅溪荻港蕭條極興衰之事不足
陳江翻岸倒空千春茲山得名自李白悵望書堂無復存
興酣落筆凌絕頂只今誰是謫仙人

東西梁山行

梁山峭拔分東西壁立斷岸懸晴霓兩峯對面勢欲搏巨
靈一笑扶天梯深潭錦鯨作怒吼長風擊碎青玻璃羣山
俯首盡退讓挂笏豈克相排擠金陵上流固鎖鑰胚胎鑿
空開坤倪槎枒山谷繡眾綠古色斑剝何萋萋我行六月
忽到此小舟一葉如鳧鷖江流鏗錡儼互答直視絕頂愁
攀躋舟師忽爾眼流淚向我稱述色慘悽咸豐之初歲癸
丑孥舟艤泊前邊隄須臾賊兵萬蜂集帆檣林立鳴鼓鼙
登舟劫掠斫篷纜大眾何敢輕訶詆老者殺戮少者縛血
流江面聲澌澌我時懼伏未能竄一賊捉人如捉雞梁山
荆棘恣搜索怪鴉暗哭烏夜唬賊中飄零倏五歲逃亡九
死踰山蹊間關乞食返鄉國手足破裂面目黧風饕雪虐

晚晴移詩匯卷一百六十一
衣敗絮入門涕泣見老妻火伴十數走相慶急佐杯酒盛
鹽虀早知波濤兀險惡曷不壯歲扶鋤犁黃金不能救身
命江湖傾蕩悔噬臍江南賊盡復過此魂魄猶悸道路迷
我聞斯言心語口詎獨爾輩聲淒淒兵戈異數苦糜爛城
郭戰鬪戈橫提錦衣玉食盡何在紛紛骨肉生乖睽東南
承平近十載土人歸去無依栖枯蘆敗葦支破屋日愁秋
漲淹青泥蒿萊四野田盡廢新種數畝多稗稊吁嗟瘡痍
待興復竚望長吏相招攜長江擊楫轉愁疾按劍更欲驅
鯤鯢山神肅然若拱揖隱放一綫潮頭低揚帆直上亂山
走仰見明月明如圭

江上

滿目浮生苦清時景物非岸邊民舍盡江上佑船稀暮色

無秋樹寒煙上客衣潯陽知未遠海舶去如飛

泊九江

帆落匡廬近天低湓浦流鳴猿隨雨斷過雁下雲愁亂定
嚴關權秋清冷舵樓海邦人種柳高舞九江頭

浙西余生久客楚南今將從軍塞外詩以送之

亂定仍爲客悲來敢惜身行辭萬里路不作五湖人楚越
隔塞遠伊涼奏曲新封侯殊未卜鼙鼓覺傷神

桃源

入山秦人曾避世流水今日渾忘機野雲縹緲自來往仙
洞幽深疑是非坐愛瀑布午陰直尙餘桃花春暮飛此中
信步不知遠重問前津知者稀

遠望

平原望遼闊孤鶴不知還煙遠欲無樹雲微似有山叢陰
連百粵天勢落重關南斗長沙近蕭森未可攀

黃體芳字漱蘭瑞安人同治癸亥進士改庶吉士授編

修官至兵部侍郎降通政使

詩話漱蘭樸學清修尤以敢言著聲視學江蘇荆南
菁書院集諸郡邑高材生肄業其中晚歲迭主信陵
敬敷講席子紹箕從子
紹第並入翰林負時名

信陵書院作追述者獻留別院中諸生疊仙屏河帥

韻

颯爽鬚眉太史文原嘗俠氣並時聞監門上座猶常事爲
國申威最軼羣安得屠兒誅嘆喑并將媾使痛鋤耘薦紳
莫笑衣冠做此輩肝腸不負君

草蔬飯客淡彌親中袖高談亦偉人車似雞棲偏疾惡釜

惟魚在卒全身服邊講授堪連席申夏韜潛恥觸綸此後
晉材推阮庾藻思還復數安仁

載酒蓬池好物華上頭詩筆最清嘉廣文肯啖慈恩柿中
尉難汗宰相麻董史直聲青簡上并州偉畧白江涯吹臺
別有三賢蹟更向荒祠舞楚芭

三館木天深祕地八韓二宋慣聯車最難伯厚持冰鑒豈
獨元褒校石渠臺閣彈章賴通議河湟諍論有尙書中華
夫子如長在誰道東氛未易除

繁臺重別蘇碑昏文獻彌多鼎盛門博士榆枋新撰稟好
官桑棗舊栽痕子衡績載家藏集損仲書同國史論更羨
禹州馬端肅晏然名節峙乾坤

熙朝昕鼓以時催洛學昌明滌草萊八子馨香俱沆漑兩

河靈秀此胚胎中牟雲集生徒盛儀邑天褒禮樂才當日
黃流勞聖慮得人斯免澤鴻哀

許振禕字仙屏奉新人同治癸亥進士改庶吉士授編

修官至東河河道總督諡文敏

詩話文敏少負雋才見賞於湘鄉相國招佐戎旃遂
自監司洵建疆節所至皆有政聲早歲嘗論次明以
來科舉文為才調集名作流傳蒐采殆徧他日考定
經籍或與欽定四書文並存其日以見兩朝功令亦
文獻之林也官河督時闢信陵書院以課士汴人至
今稱之詩不多見惟鄧彌之白香亭詩稟前有題辭
十六律述交念舊情文兼
深亟為移錄以見一斑

題鄧彌之白香亭詩稟

淚河西注返湘舟死盡浮生舊匹儔豈忍衰齡為遠別更
堪一訣是千秋賢名信有蛇年厄旅寓終罹鵬舍憂我慟
匪關知己盡四朝文獻恐難求

少日都梁一俊人，
褻裘岸幘照青春。
小心四海能求友，
爾足千程急衛親。
文字江湖餘涕淚，
遭逢天地有風塵。
同時落魄長安道，
尊酒招呼話苦辛。

悵望人間百事違，
辭官重戀老萊衣。
重圍趨死義不辱，
盡室報恩情庶幾。
完節居然名地好，
冒功那問幾人非。
當時祇有西江月，
曾照危陴淚暗揮。

北蘭寺前荒草稠，
婁妃墓下寒江流。
兵塵一掃無陳跡，
旅客傷心更獨游。
避地酒徒顏盡墨，
傍湖春樹色先秋。
可堪符節無人縮，
付與書生類楚囚。

鍾陵直下古臨川，
新領蒼頭士八千。
勸客南行焚筆硯，
從征西市買鞍韉。
異才不信爲時出，
強寇能摧棄甲旋。
終是虎頭無骨相，
中山一謗又空拳。

霜天黃菊作重陽戰地書來更斷腸烈士盡爲知己死寒
郊枉是哭人忙鯨魚失勢成京觀燕雀何人處畫堂秋盡
風蓬從四散始知吾輩可憐傷

同謁征南幕下年麻源高會最多賢迂辛短李爲歡謔刻
燭攤箋放老顛告別又經新歲月鏖兵重訪舊山川不堪
並馬城南路暮雨蕭蕭絕可憐

京塵相逐忽軒眉三月楊花似海時客久鸞龍雄意氣交
深金石少磷緇直言盡罷劉蕡策遠適終傷王粲詩詎料
吾軍真早廢茫茫詹尹似先知

變起倉黃天地昏纍臣無復謁修門滿城一潰皆魚鼈失
路方將化鶴猿海國滄桑催返棹楚歌蘭杜與招魂乘時
各奮風雲會那有巫陽下問寃

青山紅樹白香湖，免爲君王再荷戈。
返哺儘聞烏鳥樂，獻嘲嗟幸草堂無。
水中金石看千變，谷口池亭記八愚。
猶有高名動寥廓，著書憤世陋王符。

翰墨場推老伏波，故人招隱出煙蘿。
軍籌檄筆雄誰並，銅柱勳名勒幾多。
拜表元戎聞薦達，罷官下淚自蹉跎。
蕭然百粵經行地，祇草龍蛇落澗阿。

悔別師門三十年，西州重過淚潺湲。
遂良早白清湘鬢，供奉休迴賀監船。
曾感吐茵容國士，共來持菊薦江天。
平生風義悽懷甚，更苦城危夜雨懸。

河鯉江魚各自流，勞君高興動扁舟。
不辭千里追年盡，相引一觴爲道憂。
老大心情雙白鬢，嘯歌天地總青眸。
追歡卻有前時感，力與排愁未解愁。

雨絲風絮黯平臺此別分襟更可哀目極天涯孤客返夢
懸江表尺書來苦懷未忍從深訴慰語重游約後回白髮
故交寥落盡不禁清淚溼蒼苔

千里飛書自告亡一驚斷盡故人腸臨危所眷惟知己閱
世如流益可傷留集東林謀不朽修文碧落恐猶忙素車
行哭吾無及慚負人間范與張

濡淚吟成紀實詞還如杜集有嚴詩騎鯨天奪胡偏遽捫
蝨談深故可思一例文章憎命達從來孝友是男兒龍驤
鵠起俱塵土且讀林宗第一碑

李嘉樂字憲之光州人同治癸亥進士改庶吉士授編

修厯官江西布政使有齊魯游草

詩話憲之起家二千石以介節自持與菊圃布政用
清鑑堂尚書秉衡齊名皆爲閩文介賞拔時稱三李

憲之頗耽吟詠一官
一集類多清婉可誦

謝袁子久觀察贈馬

驢背尋詩味飽諳擬將行李一囊擔馳名已覺輸中駟贈
別偏勞釋左驂備位八騶君可致起家五馬我何堪鞭絲
遙指青州路要駕毋貽舊友慙

前堂古槐作歌張之

老槐蒼莽覆高閣疑服仙人不死藥何時裂腹樹中分一
半生機尙自若卽今得半氣輪囷南柯獨伸龍臂攫上有
密葉干青霄下有垂枝張翠幕故老傳聞不計年自有此
州根遂託日久羣驚有物憑人過其下孰敢譎煙雲百丈
勢冥冥香火一龕靈灼灼風來飛舞厚將崩昔人已鑄鐵
經縛我到更增一木支豈惟老物傷搖落千百年亦重留

贈十三賢或經摸索守吏雖無齊令嚴得人差免魯邦削
政餘頗愛此扶疏視作鼎彝慰寂寞廣蔭眞看可蔽牛通
神果少來棲雀化身癡想作槐安古而無死何如樂

趙國華字菁衫豐潤人同治癸亥進士山東候補道有

青草堂集

詩話菁衫作宰山左頗著聲績旋以道員待闕先後
權領廉使離運及濟東分巡終未得真除聽鼓應官
暇則優游文酒古文數樊孫柳穆自成一子亦復兼
工駢儷詩風骨既道藻采足以相發倚聲取則姜張
多斐然
可誦

尋靈巖寺遇雨

朝出泰安郭暮抵靈巖原好山似賢主延客開籬樊屏翠
何窈窕側側松雲繁前溪忽杳靄白雨來山村澗水砉然
急與人爭路根山輿蹠四足泥涉如跛黿行行且復止疏

滴猶霑轅草店幸可卽徒御猜黃昏斷蟬起林薄明霞紅
在門層嵐晃新沐對爾酬清尊

翠微寺

石徑蕭蕭裏鐘樓落翠微暗泉穿竹出薄雨入松稀山鳥
吟黃葉秋僧補衲衣從來清曠境未覺此心違

舟抵廣陵

江浦雁聲秋西風木葉流一帆下淮水三日到揚州不遇
王司理誰爲把臂游碧簫明月夜獨上酒家樓

丹徒江口晚望

日暮羣帆集長江此一隅濤聲來白下山勢走丹徒寺遠
鐘依約雲寒雪有無射堂游勝地樽酒不愁沽

京口

萬里西來江水聲
北風吹客放帆行
山連宋武丹徒宅
日射孫郎鐵甕城
人物遠淘千古浪
戈艘近息十年兵
岸頭蜃氣何由在
不覺中流憶祖生

游峩嶺遂至趙秋谷飴山舊園

四山松影掩城廬
一路泉聲曳筍輿
南郭堞橫青黛裏
北亭觴盡白頭餘
幾人下馬尋秋草
當日譚龍已索居
太息荆坡無恙在
未應竟自付樵漁

錢塘舟中遇張振卿典闈試歸

仁頻葉大荔支甘
江上相逢秋正酣
聽徹玉蟾宮裏曲
筍篷涼月下西南

莘縣城西見荷花

縣小常可喜
晨出暮必至
行行煩暑散
颯然寡車騎
隱約

城西隅田水湛明媚迤邐三四畝藕花出禾穗邑境久荒
瘠見此足心慰立馬暫向前宛爾納涼地參差綴香梗野
風滿翹翠亭亭處幽靜喧戲謝童穉他日吾不知咫尺愧
爲吏儻有高懷人獨清在衡泌

田家

田家始築場禾黍刈成束老農知稼穡護惜甚珠玉日暮
牛羊返澌澌角相屬稚子合柴扉茅檐映炊燭席地少長
集新味野蔬足早晚官賦完坦然脫榮辱人聲稍漸歇雞
犬眠亦續淡月入村來園林靜寒綠

山行

驅車入叢山行行夕陽暮人迹杳然絕取徑儻已誤亂石
來相難崎嶇有餘怒返照瞰高草喬木奧前路垂崖似古

門想像儼深固鬼魅良可愁神仙亦堪怖我生貴平易不
欲得奇數言念采樵子願因覓棲住

潭西行贈柳生文洙

天根舊詠城南柳俠卿亦謂真吾友濟南山水方英多嗟
峨揚波何不有柳生好劍兼好書潭西半畝從僧租爲招
同志二三子掃軒觴我傾新沽其時落葉生除宇隆寒狡
獪詐秋雨戴笠言從窈窕門佛樓一片風鈴語離離淨綫
梳垂楊瓦亭四角迴虛廊七十二泉綠如鑿當年桂老殊
平章引澌激溜窅然細潺湲珠玉隨圓方五步十步作人
立峻嶒瘦石窺琴牀春紅秋碧各已謝小橋疏竹攢橫牆
庭陰倒屣羣諠絕宛與栖身向巖穴插檻紛看碎瑣雲披
簾坐聽玲瓏雪自古清流清可人無疑諸子來怡悅窮年

永晝乃據此吾將妒爾難爲別還山他日不可求引領飛
空捉明月

登遵化城樓

虛樓足清暇夕日忽已曛斷雁入黃葉遠山齊白雲邊城
不可見登眺空殷勤鞞鼓中原滿秋筮誰忍聞

任城太白酒樓

當時李太白足迹半中原賀令一杯酒茲樓千古存繞城
沈市籟平檻渡帆痕此日風流地憐才誰更論

湖上

美人桃葉渡名士木蘭舟垂柳綠平水夕陽紅在樓草間
蝴蝶亂花外杜鵑愁買醉吾非恡當春孰共游

車中望腰帶諸山

明詩彙言 卷一百一十一
斜陽大道白沙明
鈍馬單車過縣城
鴻雁北來晴有數
亂山東去老無名
謀生安得田夫子
誓死曾聞戚總兵
絕塞由來關鎖地
何因坐放虎狼行

送王竹菴北歸

寒食天涯遇故人
湖城旅思作平分
綠波夢好慚江令
春草吟成對范雲
失意宦如花耐冷
知心別似雁離羣
樂源門外千條柳
爲語依依遠送君

遠成曲

萬里龍沙羌海濱
十年羽騎滿邊塵
數聲新雁長天暮
無限金閨望遠人

許玉琢初名賡颺字起上號鶴巢吳縣人同治甲子舉人歷官刑部郎中有詩契齋詩鈔

潘仲午日先生居上斜街老屋三楹擁書數萬卷座右置盆花列酒器吟嘯其間雖仕亦隱立品端介書學魯公駢文倚聲無不入妙卽以詩論氣格高古蘊寄深微哭弟千二百言及忌日自述諸作至性真情流露言表

同農門度孫家嶺過下天井序之寓齋

朝光麗陽崖秋氣肅晴巘巖桂金英霏佳招及茲踐孤嶺
阻重深躡步不辭蹇曲徑修蛇懸碎石流丸轉仰企勢踰
迴俯拾意轉坦露磴攀茅篁雨斑貼苔蘚直視愴遠神危
坐息微喘及巔梯已窮下坂步難展振衣重踟躕慎哉失
足免

人語墮木末雉竄起綵笳秋草沒樵磴積水生沮洳意行
出叢薄芳氣動衣裾回首辨來徑高興銅井俱邱亭闢門
戶官道交槐榆此間地稍窪方池碧縈紆益盎委廢圃華

晚晴錄詩匯卷一百一十一
表森路隅豨井石闌淨宰地秋陰鋪款款入深巷乃造幽
人廬小團一甌熟鑪煙散庭除

秋夜詞

山月下簷秋氣森孤花泣露棲牆陰畫樓恍惚非昨夜躑
躑無語停瑤琴瑤琴豈爲知音惜一水盈盈共明月伯勞
西飛孔雀東各有天涯怨離別

抱沖丈海天覓句圖

萬竈攢煙火千軍沸汐潮幽人獨高寄奇句出塵囂白日
淡將匿青山誰見招浩然發長嘯極目送盤鵬
空闊俯城闕竊然思以深鷓鷯京國夢猿鶴故山心多難
居同谷無聊動越吟平生師友誼牙曠託知音

聞絡緯作

篝燈欲盡夜光微
巧婦驚寒亦下機
惟有緯娘聲不斷
無人知是歎無衣

丁蓉綬字竺雲
長沙人同治甲子舉人
官戶部主事有
磨綺室詩存

阻風

一困沙泥一上天
欲參真諦識前緣
年時怨羨都無著
見慣人家順水船

感秋

西風挾愁來一歲
一相侵引手掬秋意
浩曠不可尋
胡爲愁因依蒼然
與之深得非纏縛
懷乘此蕭颯音
傾膏入塵緣
迫使煎其心
靜思了能悟
百慮澄孤襟
君看中天月
萬里雲無陰

晚晴錄言圖卷一百六十一
三
朱鑑成字眉君興文人同治甲子舉人官內閣中書有

題鳳館詩集

大風雨泊鎮江

萬里江寒雨氣腥壯游有數幾人經魚龍噴沫天真醉鶯
燕驚嗁客獨醒城闕風雷沈鼓角海門潮汐走精靈金焦
濁浪聲如舊可有英雄枕劍聽

沈昌宇字子佩武進人同治甲子舉人直隸候補知縣
有泥雪堂詩鈔

寶盤歌

噫吁嘻寶盤之來乃自洪河之東太華之西沈埋光景二
千載潛匿不啻蛟與螭岐山崩頽灞水竭此寶乃一鳴其
奇土衣厚裹十重甲苔蘚蟠駁鱗之而含垢忍辱無不可

奚必汲汲求人知今日出世毋乃早我爲寶盤痛哭垂漣
泗神物久晦豈能不一顯所惜今也非其時成周之盛稱
宣王中興令辟開明堂命將北伐天威揚驅逐獫狁過朔
方歸來紀績書旂常乃作重器垂輝煌祭告清廟牽駢剛
股肱二虢同趨蹌是時大狩岐山陽伐石作鼓志憲章籀
也惟史古之良刻畫金石尤所長勒茲盤銘傳無疆鉤磬
作作生鋒鋸魚魚雅雅詞軒昂侯其禕而駿烈張歷十四
代騰其光我見此盤在徐氏良二千石有孫子靈光道自
日邊來奇氣驚看室中起嗚呼咸陽鐘簏銷爲泥承露金
莖早摧圯自從周鼎淪太邱空令千人沒泗水滄桑變易
陵谷遷法物西京長已矣惟有此盤今巍然精銅百鍊重
且完長牙哈呀辟邪怒漬血朱碧龍文斑叩之其聲中無

射琅琅摩戛鏘八環長廓密室相掩護猶有寶氣徹夜騰
星躔我爲此盤發三歎摩挲百徧心茫然若非埋滅在九
地似爾光怪何以能久全不潛而見際時變頃刻城郭生
烽煙盤兮盤兮爾室已易主得無從此傷其天此盤閱世
二千載笑我小子言詹詹劉爭項戰見憤等閒事況此么
麼蠻觸何憂焉我思及此重歎息人生難與金石同其堅
噫吁嘻寶盤之來乃自洪河之東太華之西側身四望心
依依西方美人我所思

哀吳閫

西風蕭蕭梧葉秋梧宮寂寞吳王愁一番榮落隨時易百
代興衰逐水流吳閫自昔繁華地鬱鬱層城發佳氣秋晚
楓江蟹稻肥春深虎阜鶯花麗樓臺煙雨夢南朝舊苑長

洲草未凋燈火夜歸青雀舫酒旗晴護綠楊橋吳姬生小
能歌舞打槩乘潮自來去子夜新聲按綠么丁香豔錦纏
瓊樹水色山光無盡妍踏青車子採蓮船漫驚烽火三千
里已盛煙花二百年人間祇覺陽春好天上那知霜雪早
白馬環江吼似潮紅巾徧地屯如草大帥逃威過晉陵督
師車騎盡東奔倉皇關效雞鳴度慷慨陣呼爪士登孝穆
才華信殊眾堂堂開府聲華重債帥何期竟倒戈巖城從
此遂摧棟閩闔西南軼蕩開金戈鐵馬震如雷可憐檟墓
鳴夷去又見稽山甲楯來短兵狹巷相馳突白屋朱門徧
搜索廉使空屠朱亥刀懸官都化王喬烏百雉崔巍九四
城如何蟻賊竟縱橫開關到此成延敵失策於今悔募兵
分班競占吳宮宿吮血磨牙厭人肉上國何因患豕蛇荒

臺祇見游麋鹿館娃名號又重新浪蝶狂蜂慘變春捉得
雛姬充養子傳來羽帖署真人服妖徧地迷紅紫伐鼓縱
金亂盈耳蠻奴厮養錦纏頭蠶戶長年銀約指眞娘墓上
月如霜響屨廊前草不芳杜宇淒涼嗁碧血燕泥零落墮
雕梁百年名勝歸何處金粉山川變塵霧漁父空尋避世
人參軍漫作蕪城賦君不見金陵自古帝王州花月秦淮
一旦休又不見西子湖頭好山水柳色鶯聲今已矣江山
形勝總堪哀長使英雄心事灰祇有胥江嗚咽水闔廬城
下日徘徊

狼山大觀臺

他鄉經亂獨登臺萬里江天眼暫開山勢遠從京口落潮
頭高過海門來百年世事翻棋局半壁桑麻換劫灰日暮

寒林霜葉下秋空一雁發聲哀

九派源通巫峽上五山地盡大江東古人去我日沈嶺新
恨滿懷帆飽風憂亂閒身烽火外悲秋清淚死生中義烏
遺墓空衰草淪落天涯慨爾同

宮詞和顧緝庭同年

太液春波似海寬玉人無數倚雕欄長門十載朱顏改鏡
裏妝成不忍看

闔門新敕待傳宣粉本先呈進御前多恐霧中花氣雜書
師並不愛金錢

陌上春風拂路塵穠桃豔李鬪芳辰可憐繡輦司花女不
及章臺走馬人

晚晴詩匯卷一百六十一終